


# *KAAMBO NKE LWANINA*

## *BUKOMBI BWA TUBUNGA*

 Wa lumbwa, Mukwesu Neville.

Inga mwa kkala. Lutaanzi, Nda jisi bubi loko kusikila Nda impya kutuminwa kwa baciswa. Kwa kali bantu bamwi ku twaambo twa kumbali ba kukombelwa, abo Mbe keelede kuswaana. Pele lino bumwi bwa i. . . bumwi bwa tukamu twa misaalo, Nda syoma Billy wakati bwakali kuzwa ku Canada, masena obile na otatwe aindene. Lino, bala boola mukati omuno, nywebo mulizi, a kukkala mu mahotela a makata cakuzumanana ciindi coonse. Elyo Nda unka kuyo ba swaana, kuba swaana a kuba kombela kaba njila kuzwa ku masena oonse kuzwa ku nyika yoonse, a Asia, Europe a koonse. Buzuba a buzuba, cindi notuli ano, bantu bali mukunjila. Kuli bairinda ku myaanda ili cisambomwe aapepa lya mazina, ba lindila. . . ku kubuzyanya kwakumbali, aboobo cibaanga cicibamba kuyuma. Pele bantu bacisidwe loko a zibbutumuko zya kupaililwa, baa, Ndila sola kuba swaana.

<sup>2</sup> Buyo, ee, kuzwa ciindi ni Nda kali mukati muya a nkamu ya basyomesi, aa kumvwa kuniini antoomwe a nkamu yangu ya basyomesi kuno ku mbungano, twa cita kuswaana kairinda kasyoonto kairinda. Elyo kuciindi eco caka ndiwaala kuzwa kutandila oora a cisela, elyo kwakali bantu bamwi bakeelede kuba kuno ku ciindi eco kuti bakombelwe. Ikuti na nkobali, Ndi yanda kuba a mupailo wa mbabo ku ciindi eci. Aboobo, ikuti na bayo, bantu abo baelede ku kombelwa, ee, ikuti na bayo boola buyo lino kuciindi sikulizya piyaano, kufumbwa na nguni, bayo boola a—a kutupa bulile busyoonto bwa “I Musilisi mupati uli muni lino, Jesu silweetelelo.” Lino abo beelede ku kombelwa, ikuti na bayo cita, mbangaye bakako Mbe tazi. Elyo muli bakwesu, Nda yeeyela. Bakwesu, Nda penga maningi mu mubili wangu wini. Jesu waka bweza mu mubili Wakwe, kapenga, kutegwa Ako nzye kuba musyobo uululeme wa Sikwiimaakati, nkaambo Walo mukuba Leza wakaba mu mubili wabantu kutegwa Ka konzya kupenga. Wa kali kukonzya kumvwa macise aa bukompami. Elyo nke kaambo Nca kaboolala kubamba mulungo. Elyo muli ceci Wa katuma Mbungano Yakwe kuzumanana mulimo Wakwe.

<sup>3</sup> Elyo Ndi jisi—Ndi jisi bulemu bupati bwa ku mulimo wa masilike, kupandula a zimwi zimbi, abo—abo bajisi matalenta ayo Leza nga kabapa kucita zintu zimwi ku mubili, kubeleka a kujwa meno ayo akabola, azimwi zimbi. Nda lumba eco.

Pele mpaawo kwaboola ciindi noba indilila luzibo lwabo—lwabo, taba—taba zyi cakucita. Mwabona? Elyo Ndi yeeya kuti, mpawo, tu jisi inguzu zilondokede, mbuli mbo tunga twa njila mu bulenge, ikuti na twa kaunka kuli dokotela wesu wa mukwasyi, ndiza i—i dokotela mu cisi, dokotela umwi mudaala mubotu oyo uubweza lambe a kweenda kwinda mwakubelekela busiku, ku kujana, kuli dokotela antomwe anduwe. Elyo ikuti na wa kakilwa kuziba, uyo unka ku muntu umwi atalamaningi aniini buyo kwiinda mbwa bede. Uyo mutumina kuli dokotela wabumwi. Elyo lino ikuti na syazibwene wabumwi tazi, Ndi—Ndili kkomene kuti tu jisi kasensa kambi, Musilisi mupati.

<sup>4</sup> Elyo Ta kakilwi, oyu Umwi taciti, nkaambo Ngu Cilenga Mwini. Elyo Wa katu bambila nzila. Lino, ikuti na kwakali nguzu zili zyoonse zyakuponya mukati kangu zya kucicita, Inga—Inga nda boola kuya a kucicita. Inga—Inga ndabotelwa buyo. Pele, mbuli nguzu zya kuponya, Nse jisi, taakwe muntu umbi ujisi nguzu zya kuponesegwa. Pele twa katumwa, mwabona, kuzwa kuli Kristo, ku kukombela baciswa, Oyo waka bikka kale mukati nguzu zya kuponya. Mwabona? Elyo tu boola buyo, mbuli mbo cakabede, kulemba cceki aali eelyo. “Elyo kufumbwa cintu nco lomba Taata mu Zina Lyangu,” eyo ni cceki itakwe lebedwe, “kufumbwa nco lomba Taata mu Zina Lyangu, kuti Njo cita.” Ino ncisyomezyo! Konzyi buyo kukakilwa. Elyo Nda gwasilizya bakwesu a bacizi bangu, koonse ku inyika, aku diposita aya . . . na kugusya mali aya mu Bbanki lya Leza, ku Bulowa bwa Jesu Kristo. Alimwi kwa kazwidilila maningi. Wa kabbadela lyonse, alimwi nkaambo madipositi nkwaali kale awo, nywebo mwabona. “Wa—Wa—Wa *ka yaswa* nkambo ka nsotoko zyesu, ku mibunda Yakwe *twa* kaponesegwa.” Mwabona, kwa mana. Elyo tuli kkomene sunumasiku ku lusyomo lwanu.

<sup>5</sup> Nda syoma Billy wali kundaambila kuti mukwesu umwi uzwa lweendo loonse ku Canada na kubusena bumwi. Elyo sa mbo mbubo? Yebo mukwesu uzwa ku Canada? Elyo—elyo nko kuli nkozwa, mukwesu? [I mukwesu waamba, “Nku nyiika buyo kwa Fort Wayne, mu Kendallville.”—Mul.] Kendallville, Indiana, kuzwa ku Fort Wayne. Nda kakwatila mu Fort Wayne. Nda yeeya. Kajisi miswaangano minji okuya ku Rediger Tabernacle. Nda yeeyela mulizi awo mpo cibede. Elyo Nda yeeya, mbuli mulombe muniini, kakkede ku matende aa Paul Rader, mu Rediger Tabernacle, mbuli buyo mukutausi muniini. Walo muntu mulemu, Mukwesu Paulo mbwa kabede, alimwi mbubonya Mukwesu Rediger mbwa kabede, bantu ba lusyomo. Buntu bwabo bula lyookezya sunumasiku. Elyo lino, mbuli Mbwe kali mulombe muniini, Ndi sola kuzwidilizya eco ncoba kasiya, eco Jesu nca kasiila Mbungano Yakwe lweendo loonse kumusanza.

<sup>6</sup> Lino, a lusyomo loonse ndo Ndi jisi, Nda boola ku kukombela. Elyo Ta—Ta ndibooli mbuli cantenda buyo. Ta tuyandi ku cilanganya mu nzila eyo. Peepe, eco tacili kabotu.

Tula boola, mukusyoma kuti tuyo tambula eco nco twalomba, mwabona, kuziba kuti Leza waka cisyomezya. Elyo tu boola a kaanzambwene mu moyo wesu cakuti Kristo wakabamba cisyomezyo, elyo nywebo bakwesu mwasola kubikka lusyomo lwanu aa cipaililo, kacita zyoonse nzo konzya, Ndi boola kubikka lwangu a nduwe sunumasiku. Mwabona?

<sup>7</sup> Elyo, lino, tu jisi cipaililo cipati eco cili koonse ku milengalenga, alimwi aa cipaililo eco abikkidwe Cituuzyo cesu, i Mwana wa Leza. Mwabona? Nceeco Cituuzyo eco cizwa bulowa. Leza takonzyi kutacibona eco kakutakwe ku Ci lemeka, mwabona, nkambo Eelyo ndi Ijwi Lyakwe, “Oyu ngo Mwana Wangu uuyandwa, amu Mu swiilile.”

<sup>8</sup> Ndiyo lomba Mukwesu Neville, mwaalu wesu, ikuti na uyo boola kumbele lino a ndime mbuli mbo tuya. Ndi yanda mbungano yoonse . . . Ino kuti oyu naali munyoko wako, mulumi wako, mwana wako, bauso? Nca muntuumwi, amuyeeye. Atu, a kusiniza koonse nko tujisi, kuswena kuli Leza eno kwa bakwesu aba.

Atu kotamike mitwe yesu.

<sup>9</sup> Taata Wakujulu Siluzyalo, tu leta mu Busyu Bwako lino, ku cipaililo ca luzyalo, nekubakuti twaima munsu lya bbenci niini, mbuli mbo cakabede, awa aa nyika, pele lusyomo lwesu lwasumpulwa ku cipaililo cipati ciyaka mulilo kutala, oko Jesu (bweema bwa Mufutuli bununkilila-kabotu kumbele lya Leza, Cituuzyo ca Bulowa kuzwa ku Kalivari) Oyo waka zunda ku malwazi oonse, malwazi oonse, lufu, gehena, a cuumbwe, a kubuka alubo a kutanta kuya ku Julu, ku kkala ku janza lya lulyo lya Bupati Bwakwe. Elyo swebo, ku lusyomo, twa boola, kuli nyamuna mujulu omuya mu luzyalo lwa Leza, ku kwaamba atala lya cipaililo eci, ku Mulengi mupati wa Majulu a nyika, “Kotu tambula, Mwami, mbuli mbo tuswena mu Zina lya Mwami Jesu.”

<sup>10</sup> Mbaaba bakwesu besu, alimwi umwi wabo kuzwa aatala lya Fort Wayne, omuno mu zisi, alimwi ambi lweendo lonse kuzwa ku Canada kumusanza okuno, ku boolela ciindi eci cisetekene loko. Cili aakati ka lufu a buumi, Mwami. Mbaaba baalumi bobilo, kakuli mbakubusyi, kuswaangana kunjimuli mbabo nkambo ka Nduwe, Mwami, basilumamba bobilo, Banakristo abo Baku syoma. Elyo sinkondo wakauma mumvwi, nkabela oyo mumvwi wamusamu wa kauma amwi mu mibili yabo, nkabela ba joka, kadilika kujoka ku cibbadela ca luzyalo lwa Leza, ku kuyanzanya, ku kuponesegwa, kutegwa balanganye kumbele alubo, a ntoho kutala, kuya ku nkondo. Ba boola kuzo sangana ng’anda ya mipailo antoomwe a ndiswe, Mwami. Elyo tuyo swaangana sinkondo.

<sup>11</sup> Mu Zina lya Jesu Kristo, kobaangulula. Twa ku lailila mu Zina lya Jesu Kristo, baleke baunke.

<sup>12</sup> Mbasilumamba ba nkondo. Elyo, mbuli mulanda Wako, Nda unka kumbele lino kuyo bikka maanza ali mbabo, a lusyomo, kusyoma kuti, “Ezi zitondezyo ziyo batobela abo basyoma,” mbwaamba Mwami wesu, Silutwe wesu Mupati ncobeni wa nkondo, “ikuti na babikka maanza abo aa balwazi, bayo pona.”

<sup>13</sup> Eci Nda cita mu Zina lya Jesu Kristo. Akube kuti nguzu zya malwazi zyaangide oyu mubili wa mukwesu, zimwa angulule, mu Zina lya Jesu Kristo.

I nguzu zya malwazi zyaangide mubili wa mukwesu oyu, zimwa angulule. Mu Zina lya Jesu Kristo, akube kuti zizwe.

<sup>14</sup> Leza Singuzuyonse, Cilenga wa Majulu a nyika, Mukamwini wa Buumi buteeli, alimwi Sikupa wa cipego coonse cibotu, leta zilongezyo Zyako ali baaba mbo twa longezya. Elyo kuli lembedwe mu Magwalo, kuti, “Ikuti na waambila dundu eli kuti, ‘Ko zyuka,’ kota zumbauzyi mu moyo wako, pele kusyoma kuti eco nco waamba ciyo citika, inga watambula eco nco waamba.” Nda syoma kuti malwazi abo azwa ku mubili wabo. Lino kwa kaambwa; lino acicitwe. Amen.

<sup>15</sup> Mu Zina lya Mwami Jesu Nda syoma mula angulukide. Mu Zina lya Jesu Kristo Nda kusyoma kuti mwaanguluka. Amen.

Sena mbungano ilasyoma mbubonya? [Mbunga yaamba, “Amen.”—Mul.] Mpawo acicitwe.

<sup>16</sup> Lino, sa inga kwaba bamwi omuno bayanda buyo kwiibalukwa mu mupailo, sa inga watambika janza lyako? Ncibotu, atu Mulanganye eno mbuli mbo bikka maanza aali umwi aumwi kubusena kuya. Ezi zitondezyo ziyo batobela abo basyoma.

<sup>17</sup> Leza uusalala maningi, ku lusyomo tula bona Jesu, tula Mu syoma kaimvwi calino. Ula mamela Ijwi Lyakwe. Elyo Wa kati, “Oko bobilo na bainda nkoba bungene mu Zina Lyangu, Ndili akati kabo.” Lino, Taata Wakujulu, lekela nguzu zya Leza Singuzuyonse zigume bantu aba, Mwami, mbuli mbo ba swaanganya maanza umwi aumwi, ba bikka ali umwi aumwi. I kutumwa kwa mamanino Nko kaamba ku Mbungano, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo . . . bayo pona.” Wa ka cisyomezya, nkabela tula cisyoma. Aboobo lino cacitwa, nkabela twa Ku lumbaizya nkambo ka ncico, mu Zina lya Jesu Kristo. Amen.

<sup>18</sup> Elyo mu Zina lya Jesu Kristo akube kuti nguzu zya Leza zi nanike tutambala otu ku balwazi a babulide. Elyo mbuli mbo tutumwa a kubikkw aa balwazi, aci kacitike kuteeti baka ponesegwa. Tula bala mu Bbaibbele kuti baka gwisya kuzwa ku Musalali Paulo, tutambala, tusila; myuuya mibi yakazwa ku bantu, a malwazi aka ponesegwa. Elyo, Taata, tu lizi kuti tatuli Musalali Paulo, pele tu lizi kuti Yebo ucili Jesu. Elyo twa komba kuti Uyo pa nkumbizyo eyi ku bulemu Bwako. Amen.

<sup>19</sup> Ta ndizi naa kuli. . .matepeu naa kuli matepeu babeleka kale, na pe. Sa ala beleka? Ikuti nape, Ndi yanda mbambo kuti bayasye ku ciindi ecini. Ndi syoma kuti swicci ilayaka. Lino, Nda syoma kuti Nse mupenzyi sunumasiku. Ndi talikila kutandila cisela ca oora na maminiti ali makumi otatwe aosanwe cakufwambaana. Elyo Ndi. . .Ngu ciiyo cakwiiya Munsondo, alimwi Nda yeeya kuti antela inga cagwasya na Nda kaba oyo kuteping'wa uli ku moyo wangu. Elyo tuli bambila kunjila mu ii—ii mbali impya, cikombelo cipya, zyoonse zipya.

<sup>20</sup> Elyo lino Ndi yanda kubala amwi Magwalo. Ikuti na nobantu muyanda kubala a ndime, Ndi yanda kubala kuzwa kuli Samuele Mutaanzi, cipati 8, elyo tu yanda kutalikila kampango ka 4 kusika ku kampango ka 10; elyo mpawo, kuvuna ciindi, 19 kusikaku 20. Elyo Ndi jisi mbali zinji zya Magwalo a zya kutondeka zilembedwe awa, kuti na nywebo no bantu muli jisi penso, na cintucimwi, pepa, kuti muyanda kutondeka kuli zeezi na ku zizwidilizya, inga mwaba ankuko, na, Ba. Maguire bano jisi i—i—i teepu.

<sup>21</sup> Elyo Ndi yanda teepu eyi ituulwe ku bakambausi, bakwesu bangu, bakutausi abo bata ndimvwisyi, kapati bakwesu ba mabungano aatubungwe. Alimwi bunji loko basitubungwe.

<sup>22</sup> Elyo ciiyo cangu sunumasiku ngu: *Kaambo Nke Lwanina Bukombi Bwa Tubunga*. Elyo Ndila bala lino ku ntalisyo, na kubala kwa Lugwalo, ku cibamba kuba ca Lugwalo ncobeni, Ndi yanda kubala kuzwa kuli Samuele Mutaanzi 8:4-10, mpawo 19-20. Ku baswiilizi bangu balibonya, Nda syoma kuti cindi mwainka ku muunzi kuti muyo lembe Magwalo aya a kwaabala cakupakamana. Elyo ku bakwesu abo bayo swiilila ku teepu, Ndi syoma kuti akwalo tamu kazimi buyo teepu cindi cintucimwi caambwa ndiza eco ncotamu kazuminani aco, pele uyo yandaula Leza muli ncico, kubona ikuti na nca Malembe. Ndi yeeya kuti tuli aa nkongole kuli lwesu a ku Mulumbe wa buzuba.

<sup>23</sup> Nda syoma kuti mabungano oonse ali jisi Banakristo muli ngawo, alimwi ncobeni Nse ambauli Banakristo. Pele kaambo Nce kacitila eco Nce kacita, a kwaamba eco Nce kaamba, nku kaambo ka bunanike bwa Muuya Uusalala aa Ijwi.

<sup>24</sup> Lino atu bale muli Samuele Mutaanzi, cipati 8, kutalikila kampango ka 4, a kubala ka 10, kusanganya, lutaanzi.

*Mpawo boonse baalu ba Israyeli bakali bunganya beni antoomwe, a kusika kuli Samuele ku Ramah,*

*Elyo bakati kuli nguwe, Bona, yebo uli cembeede, nkabela bana bako ta beendi. . . ta beendi mu i nzila: lino kotubambila mwaami wa kutubeteka mbuli masi oonse.*

*Pele cintu caka bijila Samuele, cindi niba kati, Kotupa mwaami waku tubeteka. Elyo Samuele wakakomba ku MWAMI.*

*Elyo MWAMI wakati kuli Samuele, Swiilila ku jwi lya bantu muli koonse nko baamba kuli nduwe: nkambo tee bakaka nduwe, pele bakaka Ndime, kuti Nta beendelezayi.*

*Kweendelana ku milimo yoonse eyo njo bakacita kuzwida buzuba Mbwe kabagwisya mu Egepita akwalo kusikila buzuba obuno, mwalo baka ndisiya, akubelekela tuleza tumbi, mbubonya akwalo mbo bacita kuli nduwe.*

*Lino nkikaako swiilila ku jwi lyabo: nekubaboobo kokazya cakusinizya kuli mbabo, a kuba tondezya ciyanza ca mwaami oyo uya ku beendelezaya.*

*Elyo Samuele wakaama majwi aya oonse aa MWAMI ku bantu abo baka mulomba mwaami.*

25 Lino kampango ka 19 a 20 ka kumaninizya.

*Nekubaboobo bantu baakaka kuswiilila jwi lya Samuele; elyo ba kati, Pee; pele tu yooba a mwaami waku tweendelezaya;*

*Kutegwa swebo tu kabe mbuli masi oonse; alimwi kuti mwaami wesu aka tubeteke, a kuunka. . . kumbele lyesu, a kulwanina nkondo zyesu.*

26 I Mwami ayungizye cilongezyo Cakwe ku kubala kwa Majwi Aakwe. Lino, mbuli kkilasi ya kwiiya kwa Munsondo, Ndi yanda kwaamba kuti tu yanda kusola kuba mbuli—mbuli kupakamana mbuli mbo tukonzya ku Ijwi.

27 Elyo tu lizi kuti—kuti ziindizimwi zintu zya kaambwa, (a mambungano amwi), eco cilebya umwi waka yiisigwa bwandene kuli ceeco nco ba. . . limu kumvwa. Kupa mukozyanyo, mwaalumi waka ndaambila buzuba bumwi, nguuli mweenzuma wangu ukkede ono, wa kati, “Cindi nowamba kuti, Mukwesu Branham, mbuli lusyomo lunji mbuli mbo Nda kajisi muli nduwe, a kusyoma, cindi ni wakati kwakanyina ‘kwiina gehena Iitamani,’” kati, “Ndi yanda kuwa kuzwa mu cuuno cangu. Elyo Nda kati, ‘Ncobeni muntu uli lubide.’” Elyo mpawo kati, “Ko tulekela kwiimikila kwa kaindi kakubwene. Elyo mpawo wa kati, ‘Kuli buyo musyobo omwe wa Buumi Butamani, nkabela obo buzwa kwa Leza.’” Elyo ncencico nco tu yandaula toonse, mwabona.

28 Elyo kwiina Lugwalo lwaamba kuti kuli gehena Iitamani. Nkaambo, Butamani taakwe nobwaka talika, naanka kuti bwakasola kugola. Aboobo Bbaibbele lyakati “gehena yakalengelwa dyabulosi a baangelo bakwe,” aboobo taili Iitamani. Kwakali ciindi niya takali ko, alimwi kuyooaba ciindi noita kabi, alubo. Pele ndiza bayo subulwa omuya, kwiinda mu mulilo a sulufa, a malindi aa mulilo, kwa ciindi, pele kumalekelo iyogola nkaambo gehena taili Iitamani. Elyo ikuti na kwakali

gehena Iitamani, inga weelede kuba a Buumi Butamani bwa kuponena mu gehena Iitamani. Elyo ikuti na bwakali Butamani, bwakaliko lyoonse, alimwi lyoonse mwakali mu gehena alimwi lyoonse unooli mu gehena. Mwabona, aboobo kwiina cintu cili boobo.

<sup>29</sup> Aboobo, nywebo mwabona, *Butamani* ngu “taka jisi matalikilo na magolelo.” Elyo kuli buyo musyobo omwe wa Buumi Butamani, alimwi omo muuli Leza, buzwa ku bbala lyaci Griki *Zoe*, eco caamba “Buumi bwa Leza Mwini.” Elyo cindi twa zyalululwa a Muuya wa Leza, tuba Batamani a Leza, nkaambo tu jisi cibeela ca Buumi Bwakwe, eco citubamba kuba bana balombe abasimbi kuli Leza, mpawo tu jisi Buumi Butamani. Elyo Buumi buli muli ndiswe, Leza uyo busya mubili a Buumi ku buzuba bwamamanino, pele walo Muuya wa Leza uli muli ndiswe oyo ubusya, nkaambo walo Muuya wa Kristo wakali muli Kristo, oyo uuponosya mibili yesu a kutubusya aswebo, a Nguwe, ku kkala mu—mu—mu Bulemu a kulela a Nguwe.

<sup>30</sup> Lino ku ciuyo, lino, Nda kainda mu myaka eyi, alimwi cikombelo eci caima. Nekubakuti, Nda kananikwa mu mbungano ya Missionari Baptisti, kwiinda kuli Mwiiyi Roy E. Davis, kutandila myaka iili makumi otatwe ayotatwe yakainda, kuno mu Jeffersonville. Lino Mebo, kuzwa ciindi eco, Nda kali mu kabunga kwa ciindi buyo cisyoono, myeezi misyoono, kusikila cintucimwi cakasika eco tee cakali calugwalo ku mbungano, elyo Nda kamwaambila kuti Nse kakonzya kuunka ceeco. Elyo aboobo Nda kali, mubwini, kalombwa ku “cicita na cimbi,” elyo Mebo bumbi. Aboobo eco cakali cintu comwe eco Nce syoma, kuti eli ndi Ijwi lya Leza. Elyo Nda kati ku muntu oyo wakali ii—ii mwiiyi simalela, “Ikuti na wandi tondezya ceeco mu Ijwi lya Leza!”

“Pele cakali obo,” wa kati, “oko nku yiisya kwesu.”

Nda kati, “Pele Ndi yanda kuti cizwe mu Ijwi, mwabona, Ijwi lya Leza.”

<sup>31</sup> Elyo kutali kaambo kakuti Nse zulilwi ku kabunga mukuti Nda kali kulwana kabunga, nkaambo Ndili lumbide ku bakwesu bangu, kuli ceeco Nce kanana sunu, eco Nce tamba kucita, Nda yeeyela, kutandila loko ku tubungwe toonse, kapati mu zyuuno zya Makanimabotu Aazwide, alimwi akwalo mu mabungano manji ambi. Nda kalomba kunjila luswaanano lwabo a kuba sangana, pele Nda kakkala nkelyeendelela. Nkaambo, oko koongelezya Nkwe jisi, Nse lombozyi ku cibikka a nkamu yomwe ya bantu. Ndi yanda kubikka eco Leza nca kandipa, mupailo wa balwazi, kujanwa kuba coolwe ku bana ba Leza boonse mu kabunga akamwi. Tana ndilomba kuta komba, na kuli *ceeci* cimwi nkaambo bazulilwa kuli *Cili boobu-a-boobu*, Leza ubeteka moyo wa muntu.

<sup>32</sup> Elyo lino, ku kutalika, kaambo Nce takali kuzulilwa kuli mbabo a ku ci lwana, nku, lutaanzi, nkaambo Nse syomi kabunga ako ka Bunakristo mbwa Malembe. Nda syoma tacili calugwalo. Elyo nce ncico Nce sola, sunumasiku, kubweza ku luzyalo lwa Leza, ku kutondezya kuti takali kalugwalo, takali ka mulao ku kabunga kali koonse.

<sup>33</sup> Lino, busena butaanzi, tu ciita kuti “bukombi.” I bbala *bukombi* “ncivumbyo,” caamba kuvumba cintucimwi. Lino, Adamu waka jisi bukombi, pele ncobeni waka bubamba mwini, kuzwa ku matu aa mukuyu, nkabela tii bwakabeleka. Wa kabamba lwiyo lwakwe mwini a kusola kubamba nzila ya kulobokela, kujana lufutuko mu cintucimwi nca kacita mwini, nkabela Leza waka cikaka, kuzwa kuli Adamu kusika ku matobelanwa aa kabunga ka mamanino. Ta kunabede, alimwi ku luzyalo lwa Leza tuyo citondezya sunu kwiinda mu Bbaibbele. Bukombi bwakali civumbyo. Adamu wakali bambila civumbyo kuzwa ku matu aa mukuyu, kacibamba, mwini, kusola kucita cintucimwi mwini.

<sup>34</sup> Pele Leza wakayanda lufu, mulungo. Lino, kuli lwandaano lukubwene akati ka bukombi a lufutuko, mwabona, lufutuko. Bukombi ncivumbyo. Mwabona? Lufutuko Nkuzyalwa, cipego ca Leza. Lufutuko Nkuzyalwa, cipego ca Leza, alimwi ta lukonzyi kuzwidilizigwa kwiinda ku muntu uli oonse na nkamu imwi ya bantu. Walo mugame oyo Leza ngwa leta cipego eci. Elyo zipego ezi zya Buumi Butamani zya kasalwa aa Leza ku mugame aumwi katutana akwalo kuba a inyika, kweendelana ku Magwalo. I Bbaibbele lyakati, mu Ciyubunuzyo, kuti sikulwanakristo oyo wa keelede kuboola aa nyika, uyo cenga boonse abo bakkala aa nyika, abo bata jisi mazina abo alembedwe mu Bbuku lya Buumi ilya Mwanaambelele kuzwa ku malengelo aa inyika. Mwabona? Leza, kwiinda ku kuzibakale Kwakwe, kabona oyo wakali kuyo boola a oyo watakali kuyo boola, Kristo wakaseluka ansi kuzobamba nzila ya baabo bakalino boola. Mwabona, mukuziba bamwi.

<sup>35</sup> Ikuti na Ngu Leza, pee, We elede kuba mupatikampatila. Elyo ikuti na Walo mupatikampatila, Ta konzyi kuba mupatikampatila kakutakwe kuba ujisi nguzuzyonse. Ta konzyi kuba ujisi nguzuzyonse kakutakwe kuba uulikokoonse. Ta konzyi kuba uulikokoonse kakutakwe kuba uuzizyonse. Aboobo, nywebo mwabona, koonse oko ku Mu bamba kuba Leza.

<sup>36</sup> Aboobo, Wa kalizi mamanino kuzwa ku matalikilo. Wa kalizi oyo wakali noyo cita a oyo watakali kunoyo cita, alimwi Wa kalizi kuti kwakali banji abo bakali nooba, aboobo Wa katuma Kristo kubamba mulungo wa baabo bakali kuno boola. Lino, taakwe cintu nco tucita cikonzya kuba a cintu cili coonse cakucita a ncico. Jesu wakati, “Boonse abo Taata mbaka Ndi pa,” bajisi, bwaambe bwaamba cakainda, “bayo boola kuli Ndime.



Elyo taakwe muntu ukonzya kuboola citakuti Taata Wangu wamukwela.” Mwabona? Lino, mwabona, coonse cili mu luzibo lwa Leza.

<sup>37</sup> Yebo wati, “Mukwesu Branham, sa Ndili mukati?” Ta ndizi. Ndi langila kuti Mbwe bedede. Tu lali belekela lufutuko lwesu lwini ca kuyoowa a kukankama. Lino, Mbungano yaka kanzilwa kuswaana Leza kaitakwe kaimba na kabata. Lino, ikuti na tuli mu Mbungano eyo, twa kakanzwa a Mbungano eyo. Lino kolilingula omwini ku Ijwi, mpawo ula konzya kulangalanga obo mbo tuli kulaale.

<sup>38</sup> Lino, lino, Bunakristo bwakabunga tabu konzyi kupa kaanzambwene ako. Peepe. Bamwi babo bakati, “Yebo waboola a kulyaambilila kuti Jesu ngu Kristo a kubapatizigwa mu mbungano.” I dyabolosi ulacita cintu nciconya. Ula syoma, mwini, kuti Jesu ngu Kristo, a kankama. Mwabona, mbo mbubo.

<sup>39</sup> Leza kwiina naka lailila, kwiina busena mu Lugwalo, na kuyooba kabunga kali koonse. Taakwe busena mu Bbaibbele bwa ceeco. Adamu waka talika bomwe nkabela caka kakilwa.

<sup>40</sup> Elyo mpawo Nimurodi wakasola kupanga kabunga. Ikuti na uli simakani akale, alimwi ulizi makani akale aa Babuloni, amubale Hislop’s *Two Babylons*, muyo jana kunji kwa mumuni. Kuti, Nimurodi, oyu muntu wa cibi, kabweza Babuloni a mbungano yonse niini ibeleka ayo, na masena koonse, eco cakali cikozyanyo ca—ca obu Bunakristo bwabuzangi ku buzuba bwamamanino, akupanga busena bomwe bupati maningi nkabela boonse bamwi babo bakacita . . .kubbadela mitelo kuli njiyo. Elyo omuya wa kayaka ngazi a kusola kubunganya muntu antoomwe, pele yaka kakilwa. Ya kakakilwa. Eco cakakakilwa.

<sup>41</sup> Kora, mu Myeelwe 16:1, ikuti na muyanda kubala, Kora wakasoleka cintu nciconya. Wa kabweza boonse ba Levi antoomwe, alimwi wa kajana i . . .bamwi basimpuwo, bantu basumpukide, bantu balemu, bantu basalala, alimwi walo a Datani baka boola antoomwe a kwaamba, “Ta cili kabotu, muntu omwe kasola kuba atala lyesu toonse.” Elyo aboobo baka soleka kujana kabunga kakatalika antoomwe, nkabela baka boola kumbele lya Musa a Aroni, oyo Leza ngwa kasala ku mulimo, a ku baambila kuti bakabweza kunji loko aali lwabo, kuti mbunga yoonse yakali kusalala, alimwi bakali jisi nguzu zya . . . “Mu nkamu ya bantu iya kukulwaizya kuli bukwabilizi,” mubwini, ba laamba. Eco tacibikki ku Bunakristo. Olo luli mu lumamba. Amubone, lwandaano loonse lunji.

<sup>42</sup> Inga wabweza Lugwalo, a kwaamba, “Judasi wakaunka akuyo lyaangilila mwini,” nkabela “koya kacite mbubonya,” ikuti na ula yanda, pele eco ta cicibambi kululama.

<sup>43</sup> Leza wakasala Musa a Leza wakasala Aroni, alimwi wakali mulumbe wa buzuba. Elyo tacikwe makani obo lubazu lumbi

mbo lwakali lubotu, lwa kaliimpene ku kuyeeya kwa Leza. Elyo tweelede kulekela kuyeeya kwa Leza kuba kuyeeya kwesu. “Amulekele muzeezo oyo wakali muli Kristo ube muli ndinywe.” Elyo Bbaibbele eli lila yubununa muzeezo wa Kristo. Elyo Bbuku lyaonse lya Ciyubunuzyo, litegwa Apokalipse, calo Nciyubunuzyo ca Jesu Kristo. Elyo inga twa bona nzila Mbwa tapatila cintu, obo Mbwa cibamba ku lubazu lumwi, nkabela tuyo sika kuli ncico kwindanda kaindi kaniini. Yaa.

<sup>44</sup> Kora, Nda syoma wakali sinizizye mu mulimo wakwe. Nda syoma mwaalumi taka—taka kanzi kucita cilubide. Nda syoma kwakali kutaziba kwa muntu oyo wata kabona janza lya Leza ka lyeenda a kuziba Magwalo, elyo nke kaambo nca kacileta buyo ku kubuzyabuzya.

<sup>45</sup> Elyo oko kutandila buyo mapeseenti ali makumi ali fuka aa penzi sunu, kuti tusola kunjizya mabambe aa Leza, kuyeeya kwesu. Elyo ta tweelede kuyeeya, pee. Ula cita kuyeeya kwesu. Tweelede kuleka kuyeeya kwesu ku luyando Lwakwe. Mwa mvwisa lino?

<sup>46</sup> Kora, a makanze mabotu, keenda koonse a njiisyo ya bubeji, kwaambila bakwesu aba, a kuba tondezya kwiinda ku kaambo, kuti Leza taka longezya buyo Musa, musinsimi, mutumwa, alimwi waka mulongezya buyo, pele, “I mbunga yoonse yakali kusalala,” wa kati, “elyo lino mbunga yoonse ili jisi nguzu zya kucita *ceeci*, elyo mbunga yoonse ili jisi nguzu zya kucita *ceeco*.” Elyo aboobo bajisi bantu babotu, ba Levi. Lino, oko nkusala kwa Leza, oko kwiitwa sunu, “bakutausi,” muna Levi wakali mukutausi wamu tempele. Sa Musa taka baitila kuli ncico kunselelo? Elyo, awa, ta kainka kuli cita- . . . cakutabatama. Wa kabaambila kutola ntununkilizyo, akubikka mulilo uusalala muli ncico, a kubikka kanunkilizyo atala lya ncico, a kuvukauzya obu busalala, obo bwakali kulailila kwa Leza. Elyo ba kaboola kubamba nkamu ya bantu kweendelezya mbungano, oko Leza nkwa kalailila muntu omwe kucita boobo.

<sup>47</sup> Elyo, cindi niba kacita *ceeco*, Musa waka wida ku busyu bwakwe nkambo wa kalizi kuti Leza waka mutuma ku mulimo oyo. Elyo Leza wakati, “Sena balo baleelede kuleta tununkilizyo ano kutala kumbele lya cikombelo.” Elyo aboobo cindi niba katalika kuvukauzya tununkilizyo twa kazwide mulilo, a kanunkilizyo kayabuya, Leza wakaambila Musa a Aroni, “Lyandaanye lwako kuzwa kuli mbabo! Kozwa akati kabo!” Nkambo, kumane Wa kabaita kuti “basizibi, batasyomi.”

<sup>48</sup> Elyo cibi nkutasyoma mu Ijwi lya Leza. Ulabba nkaambo to syomi. Ula beja nkaambo to syomi. Ula cita bumambi nkaambo to syomi. Ikuti na wakali musyomi, inga tocita cili boobo. Kuli zikobela zyobilo biyo, eco cimwi ndusyomo na kutasyoma, ula endelegwa kuli cimwi na cimbi.

49 Lino, Leza, ku matalikilo, wakali Ijwi, alimwi Wa kaba mu mubili wabuntu a kukkala akati kesu. Wa kali Ijwi, Walo ndi Ijwi! Elyo cindi Leza akkala muli ndinywe, ndi Ijwi lya Leza kalikkala muli ndinywe, awo mpo konzya kuzuminana a zintuzyonse Nzya amba a “Ameni.” Oyo ngu Leza kakkala muli nduwe.

50 Lino ikuti na mwalangisya, aba baalumi batakwe kaambo bajisi tununkilizyo mu maanza abo, mulilo uusalala mu janza lyabo, Leza wakajula nyika a kubamena, a kuba pambula kuzwa kuli Musa nkaambo Musa wakali pambula mwini kuzwa kuli mbabo. Elyo Musa wakacenjezya mbunga, “Muta cengwi a musyobo oyo wa nkamu. Amuzwe kuli mbabo!” Lino, nywebo mulizi Magwalo, amubale ka 16, ka 17, ka 18, akwalo, cipati, nkabela muyo cijana. “Lyandaanye lwako kuzwa kuli basizibi aba, basizibi batasyomi. Amuzwe akati kabo, nkambo baya ku lunyonyooko, a zintuzyonse nzo bajisi.” Elyo cindi niba . . . nyika ya kaanduka a kubobela antomwe a bantu aba baka jisi oyu mulilo usalala. Bantu batakwe kaambo bakeenwa ku muntu.

51 Mbubonya sunu! Kuli bantu banji batakwe kaambo kabawida mu kooze ka kansiyansiya, kaba jisi Ijwi Lisalala mu janza lyakwe, a kweelela ku kambauka kuzwa kuli Ndilyo. Nda kabona bube bwa kaboola ku busyu bwa mukutausi mpawo buyo, mukutausi wa Methodisti, wakali mukutausi wa Methodisti kusikila Munsondo mwakainda. Elyo cindi na kalanga, Ndi yeeyela kuti caamba kunji kuli nduwe, mukwesu, ku tabako.

52 Lino, mwabona, bajisi tununkilizyo, mulilo kauumpa bweema bubotu loko kunembo lya Leza, a maanza ayo kaajatilide eco, nekubaboobo bakaloba a kanunkilizyo mu maanza abo, nkaambo bakali kusola kucita cintucimwi mu kusinizya, nekubaboobo, kulwana Ijwi lya Leza, kusola kupanga kabunga. Kati, “Ula lisumpula maningi. Nduweni yebo kwaamba kuti ujisi Ijwi lya Leza lyoonse?”

53 Ba kakakilwa kubona kuti Musa wakali i–i mutumwa wa oora eelyo. Mwabona, wa kajisi MBUBOUBU MBWAAMBA I MWAMI. Kwakanyina muntu aa nyika wakali mbuli nguwe. Wa kajisi Mulumbe, nkabela bantu baakakilwa Kuu bona. Elyo Musa wakali endelene a MBUBOUBU MBWAAMBA I MWAMI. Masimpe. Ncibotu.

54 Lino tu jana cintu nciconya sunu, bantu babotu, bantu bapati, bantu bayandisi kabasola kukambauka Ijwi lya Leza (mu janza lyabo) kwiinda mu kansiyansiya kamwi kakabambwa aa bantu. Kutenda *awa*, a kutenda aansi *awa*, a kucibamba *eci*, a “kuboola kusangana mbungano a kucinca bumembala bwako,” a kufwa kumuuya a Ijwi eelyo mu maanza abo! Mwabona?

55 Teeba kakonzya kusyoma mutumwa wa Leza na Mulumbe Wakwe wa buzuba obo. Tiiba kakonzya kumvwisya kaambo

Leza mupati nca taka beleka a nkamu yoonse ya bantu, a kwiibikka buyo aa muntu omwe.

<sup>56</sup> Mbangaye babo mbe Nda ambaula sunu, “Ino tula cita nzi, Mukwesu Branham? Tu lizi uli luleme, pele ino tula cita nzi? I kabunga kayo tutanda, ta tukaba a busena bumbi bwa kuunka.” Nda usa kuli mbabo; pele kuli Busena. Yebo wati, “Ee, inga twa fwa nzala.”

<sup>57</sup> Davida wakati, “Ciindi cimwi Nda kali mukubusyi, elyo lino Nda cemaala, nkabela Nse na bona mululami wakasiigwa, nanka lunyungu lwakwe kulombelela cinkwa.”

<sup>58</sup> Eco cili mbubonya aa mbaakani njionya njo bakakaka Jesu. Ba kali vungaidwe loko mu kabungwe kabo, a bapaizi basalala a mayake aasalala, a mabungano aasalala a matempele aasalala, ba kakakilwa kubona Leza mu tempele Lyakwe lyabuntu. “Yebo, mukuba muntu, kolibamba lwako kuba Leza.” Mwabona, ba kali vungaidwe muli nco! Aba bantu bakali vungaidwe loko cakuti Datani a mbabo bakali luleme. Nimurodi wakali vungaidwe loko cakuti wa kali kukonzya kuzwidilila cintucimwi eco cakali kuyo bweza bantu kwiinda ku bukali bwa Leza. Adamu wakali masimpe kuti na kavumba cinswe cakwe Leza takali kukonzya kucibona. To konzyi ku civumba, Leza weelede ku civumba. Mwabona? Mwabona? Bubambe bwa Leza bula civumba, kutali bwako. Cakali boobo lyoonse, baka kakilwa kubona Jesu mu tempele Lyakwe, Leza waka yubululwa mu mubili wabuntu.

<sup>59</sup> Sunu ci baanga candibamba kulimvwa bubi cindi Nda bona kuti Majwi aa Bbaibbele akapalanganisigwa loko kwiinda ku tunsiyansiya. Elyo bantu ba myoyo iisysteme abo baima awo a kumvwa Ijwi eelyo, alimwi ba lizi kuti Ndyo Bwini, pele tabakwe camba ca kweenda, nkaambo kasiyansiya kabo kaba yiisya bumbi. Kusanzya mipika a mpani, mpawo, bakwesu, amuzumanane. Pele kuli ndiswe, a kuli ndime a ng’anda yangu, tu sala Kristo, Ijwi. Mwabona?

<sup>60</sup> Atu bweze Johane 3 kwakaindi buyo kaniini, Nikodemo, simalela a mweendelezi wa kabungwe kapati uutegwa Sanhedrini. Ba kalileta antoomwe, alimwi baka panga tunsiyansiya twabo. I—i umwi wa ba Farisi a umwi wa ba Saduki, alimwi baka jisi kabungwe kabo kaindi, kwiimpana kwabo, elyo aboobo ba . . . Oyu muntu wakali simalela, mweendelezi wa Sanhedrini oyu, muntu mubotu mu kuyiisya. Wa kalizi Magwalo, wa kayeeya. Wa kali cizi kwinda ku kansiyansiya kabo. Sa Jesu takaamba kuti, “Mwa ka, kwiinda ku kansiyansiya kanu, kabamba Milao ya Leza kubula nguzu?”

<sup>61</sup> Mwabona, nkaambo ka tunsiyansiya twabo! Ino ncenzi eco? Kubikka bupanduluzi bwabo beni aa Ijwi, mucibaka caku Li siya lilikke, eco Nco lyaamba. Ba lati Ta caambi *boobu*. Sena mwakabona, eelyo ndi jwi ndilyonya dyabulosi ndya kali kubelesya Eva, ku kutalika kabunga kataanzi, mwabona.

“Masimpe inga caba nzila *eyi*. Leza inga taacita eco, nywebo mulizi.” Mwabona, ncintu nciconya. Ncintu nciconya sunu.

<sup>62</sup> Lino tula bona, oyu mweendelezi wakasika kuli Jesu. I cintu citaanzi, lino, wa kaboola kuti ajane Buumi Butamani, wa kaboola mukati kalingaula lufutuko. Nekubaboobo, muntu wa bwiime bwakwe, simalela mu Israyeli, pele simalela mu Israyeli wakasika ku Muntu oyo ngo twa tajisi bulunguluzi kusola kuba a buzuba mu cikolo. Mudaala wakakomena, mupaizi mudaala, musongo loko, wakasika mu Mulombwana mukubusyi. Bakazyalwa mu bukkale busumpukide bakali, bantu bavubi baka boola ku Mukumbizi oyo wata kajisi busena bwa kulazika mutwe Wakwe, ku Mu lombamba nzila yaku lufutuko a Buumi. I busena butaanzi, balo ba Sanhedrini abo bakazumina Nikodemo, ba kabona cintucimwi muli Jesu eco bantu bamwi ba kabunga kabo nco bata kajisi. Ba kabona kuti kwakali cintucimwi muli Nguwe, nkaambo wa kati, “Rabi, tu lizi Yebo. . .” “Swebo,” inzya, tiiba kakonzya ku cilungulula, nkaambo niba tandwa. Mwabona? “Tu lizi kuli Uli Mwiyi uuzwa kwa Leza, nkaambo taakwe muntu uukonzya kucita zintu ezi Nzo cita citakuti Leza uli a nguwe. Tu lizi obo!” Oh, ma! Kabunga!

<sup>63</sup> Lino, tula bona kuli Jesu wakali kutondezegwa kwa Leza. Lino, “Taakwe muntu ukonzya kucita zintu ezi citakuti Leza waba a nguwe.” Ba kalizi kuli kwakali cintucimwi candene mu Muntu oyo. Wa kali Mumuni wa buzuba. Wa kali Kamboni wa Leza.

<sup>64</sup> Mbubonya Kora waka bona cintu nciconya muli Musa. Tiiba kajisi muntu buzuba obo mbuli Musa. Wa kali kamboni wa Leza Sibuleza, wa buzuba obo, ku nguzu zya Leza. Kora a nkamu yakwe baka cibona muli Musa. Ba kamvwisya kuli tii cakali kukonzya kuba Musa; Musa takali kukonzya kujula Lwizi Lusalala, Musa taka konzya kutuma zipenzyo aa nyika. Wa kali Leza muli Musa, alimwi, nkaambo Leza wakaliiminina Mwini mu bumboni na mumuni wa buzuba, ba kakakilwa ku Ci bona. Kora wakali kuyanda kubamba nkamu yoonse ya bantu, kunjizya cintu cili coonse.

<sup>65</sup> Eco nceeco kabunga nco kali kabotu, kunjizya baubaukide boonse baliko, a ku ciita kuli “Bunakristo.” Tuma mulombe ku cikolo oyo utazi biya kujatikizya Leza kwiinda muna Hottentot mbwanga tazi simpil muna Egepita, kumutuma okuya a kumupa lwiiyo a ku muiya lwiiyo lwa kulilemeka kwa mizeezo, a kumupa Ph.D., a digrii lya bwiiyi na bbacela ya arti, na cintucimwi na cimbi mbuli ceeco. Elyo kumutuma kuyo kambauka Makanimabotu, abo bata kalina futulwa, bayo kaka kuzyalwa kwa nakalindu a bubuke, kukaka kuponesegwa kwa Buleza, kukaka Nguzu zya Leza, kukaka milazyo njionya eyo Jesu nja kafwida, kukaka Marko 16 ku kunanikwa, kukaka “ezi zitondezyo ziyo batobela abo basyoma” kakuli Jesu wakaamba

Majwi Mwini, kukaka Incito 2:38, kukaka amwi Magwalo ayo akananikwa. Elyo kusola kubweza kansiyansiya ka muntu ako nkeba tazi kujatikizya, a koompolola ali nkako. Elyo cindi wa baambila Bwini a kuba tondezya Bwini, bala fwabweeme kweenda, nkaambo kabunga kabo.

<sup>66</sup> Kora wakacita cintu nciconya. Wa kabona Leza muli Musa. Wa kabona kuti wakali Mwiiminizi wa Leza kabeleka kwiinda muli nguwe. Elyo Nikodemo wakabona Leza muli Kristo, “Taakwe muntu uukonzya kucita zintu ezi citakuti Leza kali a nguwe.” Nikodemo wakali kale mu kabunga, kusola kuzwa. Kora wakali aanze, kusola kubamba umwi kunjila. Olo lwakali lwandaano. Nikodemo wakali kusola kujana lufutuko, kuzwa ku cintu; wa kali muli ncico kuzwa kali mulombe, wa kali katede a ncico. Wa kali kuyanda kufutulwa. Pele Kora wakali kusola kumubamba ii—ii busena awo mpa kali kukonzya kuba dundumutule mupati.

<sup>67</sup> Eyo nje nzila a bantu sunu. Elyo nde penzi ku Bunakristo, tu jisi kulikozyanisiya kunji kapati kwa bubeji. Alimwi bantu besu bana Pentekoste, mudi jatile ku bwaambe, ya kabija loko a nkuko, kweezyaniziya kwakunyama! Amulekele Leza abusye muntu a kumupa cintucimwi, alimwi bantubonse mu cisi bayo sola kukkopela muntu oyo. Sena to mvwisiy kuti uli mukujaya inkamu yako iini? Cindi mwano sobana bbola. . . “Elyo luzyalu,” mbuli Paulo mbwakali kunga wa cibikka, “atu zuze muzundano oyu a lukakatilo.” I muntu uujisi bbola, muta ligusyi kuzwa mu maanza aakwe, kusola ku mu kwabilila. Pele mubusena bwa ceeco, nkaambo ta zulilwi ku kabunga kanu, ukasole ku kagwisiya kuzwa kuli nguwe. Muntu umwi uusyupa loko kubeleka, ta kakonzya, wa kali kudadalika ku malubaluba akali a kkapeti, elyo mpawo kusola ku Cigwisya kuzwa kuli nduwe. Mbo mbubo. Lino, kukanana kwa kumuuya, Nda amba. Amu ndijatile, Nda. . . Ee, uyo ligunkula ku cintu ciniini mbuli Incito 2:38, uli masimpe kuwa. Ikuti na wa sola kulifumpula kuli Marko 16, mbobuti mbwayo cikonzya? Mwabona? Huh. Ziiyo zini zipati zya Kristo. Elyo cintu nciconya eco caka bandikwa ku Kkansa yaku Nicaea, bakacili fumpula kuli njiyo kwiinde myaka eyi yoonse.

<sup>68</sup> Kusola, Kora wakali kusola kupanga kabunga, kunjila muli nkako. Elyo Nikodemo wakali muli ncico, kusola kuzwa kuli ncico. Nikodemo waka zuminwa, a kuzwa. Kora waka nyonyooka muli ncico, mu nguzu zyakwe, wa kanyonyooka mu nguzu zyakwe mwini. Oh, ma!

<sup>69</sup> I kabunga ako Nikodemo mwa kabede, kaziba kuti Kristo wakatumwa aa Leza, kaamba boobo. Nikodemo, mu capita 3 awa, ka caamba, “Rabi, tu lizi kuti Yebo uli Mwiyyi wakatumwa kwa Leza, nkambo taakwe muntu ukonzya kucita maleele aya Ngo cita citakuti Leza waba a nguwe.” Elyo nkamu njiyonya, nkaambo ka kabunga kabo, ka Mwiita kuti

“Bezebule,” nkaambo ka nguzu Zyakwe ku tanda badyabolosi, a kuti, “Ula cenga bantu besu kwiinda ku Njiisyo Yakwe.” Ncintu nciconya sunu. Kucenga nzi?

<sup>70</sup> Jesu wakati, “Ndi cita buyo eco cibotezya Taata, Ndi bamba buyo Majwi aa Leza,” nkaambo Wa kali Ijwi. Ta kakonzya kucita cintu cimbi cita Ijwi.

<sup>71</sup> Pele, nkaambo ka kabunga kabo, nkaambo ka nzila yabo, ba kajisi bantu kabaangidwe. Mu myoyo yabo ba kalicizi, pele kabunga kabo tiiba kakaba lekela ku cibamba. Mpawo, ku kubamba nzila ya kulobokela, kukasya bantu kuzwa ku kabunga (“bantu boonse bala Mu tobela”), kubamba bantu kuzwa ku kusiya kabunga a kutobela Bwini bwa Leza (obo Mbwa kabede Bwini “Ndime Bwini, Mumuni”), ku babamba kuzwa ku kutobela Eco, ba kaamba kuti Wa kali kweena bantu. Amu ciyeeye! Ii muntu, kuti mu moyo wakwe wakalizi kuti Wa kali Leza, kuti Leza wakali muli Nguwe (“taakwe muntu ukonzya kwaamba zintu ezi, na kucita zintu ezi, cita Leza kali a nguwe”), mukuziba ceeco a kwaamba ceeco a kulyaambilila ceeco, elyo mpawo kunyona a ku Mwi ita kuti “Bezebule, a mucengi wa bantu,” bantu babo, “kwiinda ku Njiisyo Yakwe.” Oh, ma!

<sup>72</sup> Nikodemo wakalizi kuti Wa kali Musinsimi. Lino, oyo wakali umwi mu kabunga oyo wakali kuyanda Leza kweelede a kuyooowa Leza kunji, a kuziba kwiinda ku Cizuminano Cakale kuti oyu Muntu waka jisi zyelele alimwi waka tondezegwa a kusimpikizigwa, Musinsimi wakatumba kwa Leza. I mwaalumi, Njo mulemeka ikuti na wa kaboola masiku, wa kasika okuya. Uli kabotu loko kwiinda bunji bwa bamayi besu sunu, taba kabooli nokuceya. Nekodemo kumalekelo wakasika. Aboobo, muta mupi mulandu, ikuti na tona sika. Nikodemo wakalizi kuti Wa kali Musinsimi, aboobo wa kayooowa Leza. Ta kalekela oyo Muntu kuzwa kuli nguwe, Mumuni wa buzuba obo. Tacikwe makani obo kunji mbo Ca kaimpene, obo kunji kabunga kakwe mbo ka kaamba kuti Ca kaliimpene, wa kabona Leza kasimpikizya Muntu oyo alimwi wa kalizi kuti Wa kali Musinsimi. Elyo ikuti na Wa kali Musinsimi, Ijwi lya Mwami liboola ku musinsimi, alimwi Wa kalizi eco Nca kali kwaambaula. Mwabona? Aboobo wa kaunka kuli Jesu, wa kali kuyanda kuziba nzila ya kujana lufutuko. Ikuti na oyu Muntu wakali Musinsimi, Ijwi lya Leza lyakali a Nguwe, alimwi inga Wa ziba nzila ya lufutuko.

<sup>73</sup> Pele eco Nikodemo nca keelede kwiiya nceeco bantu banji sunu, ba tubungwe twa buzuba buno, nco tweelede kwiiya. Eco Nikodemo nca keelede kuziba, nceeco bantu sunu nco bakeelede kuziba, ku tubungwe otu. Wa kali kwiindilila kukuba musinsimi. Wa kaboola kuli Nguwe kuzojana, ku Mwa ambila yakali nzila ya Buumi, nkabela Jesu Mwini wakali Buumi. Oyo ujisi Mwana ujisi Buumi. Aboobo ta kacita, ta keelede kuboola kusola kwiiya lwiyo, we elede kuboola kutambula Muntu. Obo mbo cibede

sunumasiku! I Ciswi Cipati cabuyake ca kakwa alubo. Ino ncinzi Ciswi Cipati cabuyake? Ndi Ijwi, mubwini. Kristo, Walo ndi Ijwi.

<sup>74</sup> Wa kacita kwiiya cintucimwi. Wa kayeeya, “Ee, lino, oyu Muntu walo Musinsimi, Walo Musinsimi buyo.”

<sup>75</sup> Aboobo, sena mwakabona, Jesu kwiina nakaingula mubuzyo wakwe, Wa kamu tapatila buyo nkambo ka boofu bwakwe. Kwiinda Musinsimi, Wa kali Ijwi a Mumuni uumweka wa Ijwi! Wa kali Leza kamweka kwiinda mu cibelesyo, katondezya kuti wakali Leza mu Muntu. Wa kali Ijwi. Johane Mutaanzi, cipati 1. . . Musalali Johane, cipati 1, mubwini, ilaamba, “Ku matalikilo kwakali Ijwi, alimwi Ijwi lyakali a Leza, alimwi Ijwi wakali Leza. Elyo Ijwi lyakaba mu mubili wabuntu, a kukkala akati kesu.” Elyo ndeeli Ijwi lya Leza kali mweka kwiinda mu bupange obu bunini bwa Muntu, nkabela Lya koofwaazya kabunga. Pele Wa kaboola kujana bagame. Kwiinda Musinsimi, Wa kali Ijwi! Walo Mbuumi. Kutali. . . Ta keelede ku muyiisya Buumi bumwi buciza, Wa kali obo Buumi Mwini! Wa kali Buumi. Wa kali Mumuni. Wa kali Buumi. Wa kali Buumi Butamani, bwakali muli Nguwe, alimwi Walo alikke ngu Sikupa wa Buumi Butamani. “Oyo ujisi Mwana ujisi Buumi.” Aboobo muli jisi. . . tamu konzyi buyo kuba a kuyiisya kwa Ijwi Lyakwe, mweelede kuba a Nguwe.

<sup>76</sup> Yebo wati, “Oh, bantu bakkala ansi a kwiiya Bbaibbele eelyo a mabala oonse aa Cigriki, a bupanduluzi mbo bubede, ama pankishweshini, azimwi zimbi.” Elyo kutaziba buyo Leza kwiinda cimwi! Mwabona? Peepe! Oyo ujisi—oyo ujisi i—i—i ciimo, oyo ujisi bubambe? Ngo nguwe ujisi Mwana, oyo Walo ujisi, Muntu. Ngo Nguwe ujisi Buumi.

<sup>77</sup> Nikodemo wakalizi kuti Wa kalizi kujatikizya Buumi, pele ta kaziba kuti Wa kali Buumi Butamani. Eco ncencico, Muntu oyo ngwa kali kwaambaula, Mutumwa, Mumuni wa buzuba, Mumuni wa inyika. “I Mumuni ulamweka mu mudima, nkabela mudima tee waka Uzunda. Wa katumwa kuli Bakwe Beni nkabela Bakwe Beni tii baka Mu tambula.” Nkaambonzi? Nkaambonzi? Nkaambo bakali bungene loko, ku kusanzya mipika a mpani, a tunsiyansiya, kuti baakakilwa kubona Ijwi lyakaba mu mubili wabuntu.

<sup>78</sup> Cila loolola. Cila loolola alubo. Makani aakale alaliloolola ziindi zyoonse. Iiyi, wa kalizi kuti Wa kajisi—Wa kalizi kujatikizya Buumi, pele Nikodemo takazi kuti Wa kali Buumi. Eco mbo cibede sunu. Bantu banji loko basola kubamba Jesu, oh, Mwiiyi mupati, bala sola akwalo kwaamba kuti Wa kali Musinsimi. Pele cindi wasola kwaamba kuti Wa kali Leza, oko nkunji maningi. Mwabona? Pele Wa kali Leza, alimwi Ngu Leza, alimwi lyoonse Uyo oba Leza. Kwa mana. Mbo mbubo.

<sup>79</sup> Amubone, Taakwe nakaambila Nikodemo, lino, cindi naka boola kuli Nguwe, Ta kaamba kuti, “Lino, Nikodemo, Ndi



jisi bulemu bupati kuli nduwe, kuti uli i—i—i mwendelezi mu Israyeli. Njo kwaambila cintu, uli mukuyandaula Buumi Butamani, antela weelede kubulondola aa lwiiyo lwako lwaatala. Yebo toambi majwi ako kabotu.” Bufuba. Na, “Ndiza weelede kuyandaula ofesi lyaatala maningi mu kabungwe kanu, kuba a Buumi Butamani.”

<sup>80</sup> Eco ncencico bantu banji loko ncobasola kucita sunu, uhuh, ofesi yaatala, ba yanda kuba kuzwa ku—ku mweembezi ku mwaalu wa cisi, na—na kuli bishopo umwi na cintu cimwi mbuli eco. Eco tacikwe buyo cakucita a Leza kwiinda cintu cili coonse.

<sup>81</sup> Amulangilile eco Nca kacita kumbele lya muntu uli boobo. Wa kamutapatila nkambo ka nguwe katazi oora ndya kali kupona, “Yebo upandulula ku Ndaambila kuti uli simalela mu Israyeli nkabela tokonzyi kumvwisya zintu ezi, cindi,” Wa kati, “ii muntu weelede kuzyalululwa?”

<sup>82</sup> “Baa,” wa kati, “mebo mudaala, kunjila mwida lya baama?”

<sup>83</sup> Wa kati, “Elyo uli bishopo, kkardinolo, mwaalu wa cisi mu mbungano ya Pentekoste,” na muntuumwi umbi, “mulombwana umwi mulemu mu kabunga, nkabela tamuzi Lugwalo?”

“Oh, tuli jisi Musa.”

<sup>84</sup> “Ikuti nimwa kamuziba Musa, nimwa ka Ndi ziba, nkaambo wa kali oyo wakakanana Ndime.” Mwabona? Pele kutali kweendelana ku tunsiyansiya twabo, kabunga kabo—kabo, ako kakali andeene. Pele Musa waka kanana Nguwe, alimwi Wa kali oyo Umwi Musa ngwa kaamba, elyo nekubaboobo tiiba kacizyi. Nkaambonzi? Ba kalizamba ansi beni loko a tunsiyansiya, teeba ka cizyi.

<sup>85</sup> Elyo bakwesu bangu abo babala, abo batola teepu eyi, muta cileysi eno. Aniiini buyo, atu lange cintu eci moonya mu busyu. Nda kuyanda, uli mweembezi. Elyo Nse soli kuba uuzi zyoonse. Ikuti na Ndi bamba muzeezo oyo, mpawo kaimike teepu a kundi kombela. Ndi sola buyo ku muletela cintucimwi eco ca Bwini. Muta cilekeli ku mwiindilila.

<sup>86</sup> Lino, Nda lemeka malailile aa muntu, azimwi zimbi, pele cindi mwapanga tubunga otu. . . Amulange ba Farisi, tiiba kajisi cakucita a ba Saduki, nkaambo ba Saduki tiiba kasyoma muli—muli angelo na—na muuya, na bubuke, na kufumbwa cintu, alimwi ba Farisi baka jisi kobilo, alimwi bakali kulwana muli cabo. Lino Babumwi basyoma cintu comwe, ba Trinita basyoma cimbi, a Methodisti cimbi, alimwi muna Presbyteria uumbi, alimwi mweenga minyinza misyoonto. Alimwi ino mu jisi nzi? I kwaandana kwa bunyina. Ku nzila, tuyo jana busena obo mu Bbaibbele mu kaindi buyo kaniini, obo mbo cibede, a ceeco Leza ncaamba kuti mbo cibede.

<sup>87</sup> Lino, peepe, Ta kamwaambila ku londola. Wa kali kumu tapatila buyo mukuta ziba cintu cini. “Sena nduwe simalela mu

Israyeli, nkabela tozi zintu ezi? Ikuti na Nda mwaambila zintu zyanyika, nkabela tamu konzyi ku cimvwisya. . .” Amuyeye! “Ti simalela, matobelanwa atala mu mbungano ya Othodokisi, bishopo, kkardinolo, alimwi tokonzyi akwalo kumvwisya ciimo ca muvwanda ca zintu zyakunyama ezyo Nze mwaambila, mbobuti mboya kumvwisya zintu zya kumuuya kuzwa ku Julu?”

<sup>88</sup> Pele muzeli mudaala uutakwe luzibo oyo watakali kukonzya nokuba kulemba zina lyakwe mwini, ku Li mvwisya, mwabona, elyo wakabambwa kuba mutwe wa mbungano ku Jerusalemu, Petro. Mwabona? Oh, “Boonse Taata mba Ndi pa, uyo boola.” Mwabona? Bala Ci bona. Bala Ci syoma. Bala Li cita, mukutaziba ciyo bajata.

<sup>89</sup> Mbuli buyo mulimi. Tacili cibotu kudana, pele kubamba bupanduluzi. Ba kati mulimi wakabikka nkuku nseke, elyo tee baka jisi maji manji, wa kabikka iji lya dakisi kungsi lyayo. Cindi kadakisi kaniini nika kakonkolwa, kakali cintu cakali kuboneka bweenzu loko zyalo nkuku nzozya kasola kubona. Wa kajisi busyu bweenzu busyulungene, alimwi ya kaunka kailila mbuli dakisi mucibaka ca kulila mbuli nkuku, a—a nkuku zyoonse zyakalya a kuyanga mu lubuwa lwa mpulazi. Elyo eco tee cakali cilyo cakwe, mbubonya. Aboobo buzuba bumwi nkukunseke ncebelele yaka musololela kunze lya butala, kuti bajate cisozi, elyo atala lya cilundu kwakali i—i lwizi. Elyo guwo lya kacitika kuboola a lwizi, elyo lya nunkizya meenda. Bwalo mbupange bwa ndilyo. I nkuku yakaindi yakati, “Klaki, klaki, klaki, klaki, kopiluka!”

<sup>90</sup> Wa kati, “Kkwaki, kkwaki, kkwakki,” nkoonya ku maanzi. Nkaambonzi? Wa kali dakisi, ku kutalika. Takukwe makani kunji nkuku mbo yakali kulila, yaka cili dakisi.

<sup>91</sup> Elyo nje nzila mboibede ya muntu waka kanzilwa Buumi Butamani. Cindi abona Mumumi wa Leza, takukwe tubunga tunji mu inyika ku mulizya kujoka muli nkako. Peepe. Nkaambonzi? Bwalo mbupange bwakwe. Kwayanda wa kali kulya ambabo kwa ciindi cilamfu, a kulida mu cigolo cabo mu bukkale, pele ula boola ku busena mbwa jana cintucimwi candeene, aboobo uli cizi. “Mbelele Zyangu zilizi Jwi Lyangu,” wakaamba Jesu, “mweenzu tazika mutobeli.” Inga kaba tobela cintucimwi ceenzu, pele kungsi muli mbabo kuli cintucimwi candeene. Abamvwe Bwini ciindi cimwi, a ku balangilila. “Boonse abo Taata mbaka Ndi pa bayo boola.”

<sup>92</sup> Inzya, Wa kamu tapatila mukuta ziba. “Nduwe simalela mu Israyeli, nkabela tozi zintu ezi? We elede kuzyalululwa!” Lino, muntu wakunyama, Ndi yanda ku. . . amubone cintucimwi awa, “We elede kuzyalululwa.”

<sup>93</sup> Lino, buumi bwa kunyama, ikuti na tu jisi buumi bwa kunyama, kutegwa tube a bapona mu buumi obu bwakunyama, mu zintu zyakunyama, tweelede kuba a kuzyalwa kwakunyama.

Taba kugusyi buyo kuzwa ku cisamu amwi, wabona, kukubikka kumwi. Ba kacisola, pele tee cakabeleka. Kweelede kuba kuzyalwa kwini, kuzyalwa kwa kunyama, ku kubamba kupona kutegwa wakonzya kuba a magano osanwe, kweenda, kwaambaula, kubona, kulimvwa, kulabila, kuvwa, kweenda koonse, azimwi zimbi, nkaambo mpawo uli muntunsi, alimwi ule—ule ndelezegwa kuli zyonse zintu ezi nkaambo zinjila mu buumi bwa kunyama.

<sup>94</sup> Elyo, mu kuzyalwa kuli boobo, ziindizimwi tuba basongo loko mu busongo bwanyika na makani aa inyika, kuba Baleli a—a basicikolo bapati, bamakkanika a basayaansi bakubwene, abamwi bambi. Elyo lyoonse mulizi, kuzwa nkoonya ku matalikilo, bakali bana ba Kaini abo baka jisi musyobo oyo wa busongo; kutali ba Seti, bakali beembeli ba mbelele zibombe. Pele bana ba Seti bakali bantu banaleza. Pele bana ba Kaini lyoonse bakali basongo, kapati, sayaansi, madokotela a baalumi balemu. Mbo mbubo. I Bbaibbele lya kaamba boobo, nywebo mulizi, Eco ciyiisya ceeco. Elyo mukombi maningi, pele wakaloba ku mamanino. Twa kaba basongo kwiinda ku kwiinka ku cikolo, kubweza lwiiyo lwaatala, azimwi zimbi, twa kaba basongo loko, basimaanu, a kukonzya kucita zintu a kwaamba zintu, alimwi ziindizimwi ku mwiida kwaambaula muntu oyo uuzwide Muuya. Sa Jesu takaamba kuti, “I bana ba nyika eyi mbasongo loko kwiinda bana ba Bwami”? Masimpe, nkambo ba, ku bupampu bwabo bala konzya—konya kwaambaula akwiinda ku busongo akwiinda kwaambaula, a kubweza Magwalo aku Li pindamuna ku Li bamba kwaamba zintu ezyo Nzo li takonzyi.

<sup>95</sup> “Oh, Ta caambi ncobeni obo.” Cindi muntu aamba boobo, amuzwe kuli nguwe. Leza ulalangilila Ijwi Lyakwe, nywebo mulizi, Bbaibbele lya kaamba. Lya kalembwa nzila buyo mbo Lye elede kuba. Mwabona? Lino, Lya kabikkwa munzila eyo ya kweena, na kubamba basongo kukacilwa ku Li mwisya. Ncuubauba loko, nke kaambo nciba kalifumpula kuli Ndilyo. Mwabona? Yaa.

<sup>96</sup> Boonse obu busongo a zintu nzoba konzya kuvuzya, nekubaboobo, pele nkuzwa . . . oko kuzyalwa kuzwa kungsi, nyika eyi. Ci zwa aa nyika, alimwi ci lwana Muuya wa Leza. I kuzyalwa kutaanzi, kutubamba kubeleka kuno, kutubamba kuba muntu uufwika, nkaambo ka mucito wa cibi mu muunda, kabamba muntu kunjila mu inyika kwiinda ku mwanakazi. Elyo muntu uuzyedwe ku mwanakazi ngwa mazuba masyoonto, pele muntu oyo uuzyedwe aa Kristo ngu Uutamani. Jobu wakati, “Ii muntu oyo wakazyalwa ku mwanakazi ngwa mazuba masyoonto kazwide mapenzi.” Amubone, pele muntu wakazyalwa kwa Kristo, weelede kuzyalwa kuzwa Kujulu. Lino, pele muntu wakazyalwa ku nyika, uba musongo akukonzya kutandila kwiinda ku busongo.

<sup>97</sup> Amulage obo dyabulosi mbwakali mumpelenge, wa kacenga

mupaizi onse wakasika a nyika. Wa kacita ncobeni. Wa kacenga, uci cicita. Inzya, masimpe wakacita. Wa kali musongo, pele wa kayutuka kulwana muzundano wakwe, buzuba bumwi, Oyo waka muzunda. Elyo cintu buyo nco tweelede kucita nku yaama kuli Nguwe, Wa kamuzunda kale. Mwabona?

<sup>98</sup> Pele kuzwa kungsi, alimwi calo, obu busongo muntu mbwa vuzya kutondezya a kutondezya zintu ezi zyoonse kaambo muntu ncaelede kucita *ceeci* a muntu beelede kucita *ceeco*, ciliimpene aca nkondo (mizeezo yakunyama) kuli Leza. I Lugwalo lwa kaamba boobo. Mbubo. Takukwe makani obo mbo bakali basongo, bala konzya ku cipindamuna koonse. Ndi yanda muntuumwi kundi tondezya awo Leza mpa kasola kuba a kabunga na kusola kulaililwa komwe, pele cicipa mulandu omu mu Bbaibbele. Takukwe makani mbo bakali bansongo kukonzya kusola kuba, ca kaliimpene! Nzila busongo mbo bukonzya kwiima akwinda ku kukazya, aku kucitya kulimvwa *obo* buniini ku kukwaambila makani ancico, pele ciliimpene ku Magwalo.

<sup>99</sup> Muntuumwi wakati kuli ndime, “Mukwesu Branham, kuli cintu comwe Nce jisi kulwana nduwe.” Kati, “Nduwe Jesu Buyo.”

Nda kati, “Ta ndili. Ta ndizulilwi ku kabunga kali koonse.”

<sup>100</sup> Ii mwaalu wa cisi cimwi wakatumwa, buzuba bumwi, a kuti, “Muntu umwi wandaambila kuti wakali Jesu Buyo, Mukwesu Branham.”

Nda kati, “Eco ciliimpene. Eco cili lubide.”

<sup>101</sup> Kati, “Ba kandaambila kuti ula syoma mu luyando lwa bulubusi, kuti bantu beelede kusiya bamakaintu babo a kuvwima . . .” Lino, mwabona, obo mbubeji buyo bwa dyabulosi. Nywebo mulizi obo.

<sup>102</sup> Nda kati, “Ndi lwana zintu zili boobu kumaninina! Nda syoma mu busalali a kunjoloma. Ndi syoma kuti mwaalumi ulangidwe ku mukaintu wakwe kufumbwa kuti kaba pona.” To elede kumubweza kakutakwe kukomba lutaanzi.

<sup>103</sup> Elyo Jesu Buyo, nkamu ya Jesu Buyo, kwiina cintu cibalwana, bali buyo kabotu mbuli nkamu iili yoonse, kuli ndime. Pele bala bapatizya bubi, bala bapatizya ku kuzyalululwa. Nda syoma kuti twa kalengululwa aa Muuya Uusalala, kutali ku maanzi. Ndi belesya Zina Iya Jesu Kristo mu lubbizyo, alimwi kwiina Lugwalo lumbi mu Bbaibbele ku jokela . . . ku cibamba kwiimpana. Kwakanyina muntu mu Bbaibbele wakasola kubbizigwa mu zina Iya “Taata, Mwana, Muuya Uusalala.” Ndi yanda muntuumwi kuboala kundi tondezya busena bomwe muntu omwe waka bbizigwa mbuli boobo. Mpawo, ikuti na tacili calugwalo, leka kucicita!

Yebo wati, “Ta cibambi lwandaano luli loonse.”

<sup>104</sup> Ca kacita kuli Paulo. Wa kabalailila kubbizigwa alubo, mu Zina Iya Jesu Kristo, elyo mpawo kutambula Muuya Uusalala.

Elyo Paulo wakati, “Ikuti na angelo uuzwa ku Julu,” Bagalatia 1:8, “boola, kayiisya makani ambi ali oonse,” kwiinda ayo nga kayiisya, “abe mutuke.”

<sup>105</sup> Mwabona, nkansiyansiya. Nda kaambaula ku muntu mulemu kutali ciindi cilamfu cakainda. Kati, “Mukwesu Branham, Nse konzyi. Ndi lizi Eco cili luleme,” wa kati, “pele ino inga Nda citanzi a Ncico?”

Nda kati, “Ko Ci swiilila!”

Wa kati, “Baa, Ndi—Ndi jisi bulemu akati ka bantu besu.”

<sup>106</sup> Nda kati, “Pele Ndi yanda bulemu a Leza, aboobo koswiilila Ijwi Lyakwe. We elede kusala kwako, sa uyo belekela Leza na muntu?”

<sup>107</sup> Pele bajana kabunga kabo, kubamba twaambo twa milao muli ntuto, kutobela nconzyo. I ciindi citaanzi cakasola kubelessegwa mu mbungano ya Katolika yaba Roma. Mbo mbubo. Ndi yanda muntuumwi uyo nditondezya cintucimwi candeene. Nda kabala makani akale, ambebo, nywebo mulizi. Aboobo amuyeeye, olo ndubbizyo lwa Katolika, alimwi amwi waka bbizigwa munzila eyo waka bbizigwa mu luswaanano lwa Katolika. Njo citondezya masiku kaatana kumana, ikuti na Mwami wayanda. Mbo mbubo. Nke kaambo mweelede kujokela.

<sup>108</sup> Kutali Jesu Buyo. Lino, kuli bantu banji babotu mu mbungano ya Jesu Buyo. Bunji bwa bantu babotu mu Assemblisi ya Leza, Mbungano ya Leza, Methodisti, Baptisti, Presbyteria, a Katolika. Pele kwiina wabo Mbungano, kwiina umwi wabo. Kuli bagame omuya bazulilwa mu Mbungano. Pele takali ako kabungwe nko bajisi kababamba kuba Mbungano, mbuli bantu basola ku kabamba boobo. Cili lubide. Aniini buyo tula selemuka kumupa Lugwalo lumwi mu ziindi zisyoonto.

<sup>109</sup> Iiyi, kunyanyaala a nyika, weelede kuzyalwa kunyama kuti unyanyaale, a kuzyalwa kuli boobo kutubamba kuba basongo mbuli Mbwe kaamba. Mwabona? Elyo tuba bapampu, busongo, bupampu bwesu bula tupa obo. Pele amuyeeye kuti oko kuzyalwa, nkoonya kumatalikilo aa nkuko, kuliimpene. Ncaansi alimwi ciliimpene ku Ijwi lya Leza, bufubafuba kuli Leza a ku bukanze Bwakwe, kubula luzibo ku bukanze bwa Leza. Ikuti ni kwaatali obo, Nikodemo naaka ziba kunji kwiinda Jesu mbwakazi kujatikizya Ncico. Mwabona? “Sena nduwe simalela mu Israyeli?” Mwabona? Amubone oko tubungwe twanu nko tuya, oko bantu banu bapati basongo nkoba swaangana antoomwe akubamba mabambe abo, a kucita?

<sup>110</sup> Andi mwaambile eci. Ciindi coonse Leza natuma Mumuni aa nyika, aa cintucimwi aa Lugwalo, bala cijila mpoonya awo. Elyo kufumbwa buyo muntu oyo mbwa unkila, bayo panga kabunga kuzwa kuli ncico. Elyo mbo bakaibunganya buyo, Ndi yanda kubuzya simakani akale uuli oonse (uliko lino, na uli ku mateepu) kuboola kundi tondezya. Ku ciindi cili coonse

muntu nakasola kubunganya mbungano, ya kafwa mpoonya awo nkabela kwiina nakabuka alimwi. Ci liimpene kuli Leza. Ci liimpene ku Magwalo. Aboobo Ndila kalwana. Kufumbwa cintu eco Leza nca lwana, ikuti na Leza uli muli ndime, nkokuti Ndi lwana eco Leza nca lwana. Sinkondo Wakwe ngu sinkondo wangu. Mbungano Yakwe ni Mbungano yangu. Buumi Bwakwe Mbuumi bwangu. Wa kapa Buumi Bwakwe, Wa kaba ndime kuti Mebo kwiinda ku luzyalo Lwakwe ndibe mbuli Nguwe. Mwabona? Twa kacina masena. Wa kaba sizibi mbuli ndime a kufwida ndime, mu busena bwangu, kutegwa Ndi konzye kuba mwana wa Leza mbuli Mbwa kabede.

<sup>111</sup> Lino mwabona awo tubungwe twanu mpo tusikide kale? (Ta tuna talika.) Basongo mu busongo bwanyika pele bali fwide ku bukanze bwa Leza! Lino atu bone kusule, amwiime awa aniini buyo.

<sup>112</sup> Adamu wakali impene ku bukanze bwa Leza, nkaambo wakanyansya Ijwi. Kasola kulibambila civumbyo, bukombi. Bwa kakakilwa, alimwi lyoonse bwakaalilwa, eco muntu ncasola kucita. Nimurodi wakali lubide. Kora waka nyonyooka. Ino bakali kusola kucita nzi? Kupanga kabunga.

<sup>113</sup> Elyo kumane ceeco, cindi kumalekelo niba kalibunganya lwabo, Jesu waka bajana, kabafwide! Kati, “Muli jisi meso nkabela tamu konzyi kubona. Muli jisi matwi nkabela tamu konzyi kumvwa.” Mwabona? Kati, “Muli boofu, basololela boofu. Ikuti na boofu basololela boofu, sa boonse taba kawidi mu bindi?” Wa kati, “Nduwe simalela mu Israyeli, alimwi akwalo tokonzyi kumvwisya kuzyalwa kupya mbo kubede? Cindi, ikuti ni mwaka tantamuka kuzwa ku tunsiyansiya, a kujatilila ku Ijwi, ni mwaka ziba kuti Nda kali kuboola kupa bantu kuzyalwa kupya. Noka ziba buzuba Bwangu. Ikuti noka ziba Musa, noka Ndi ziba. Musa wa kaamba zya Ndime elyo wa kati Ndiyo boola, elyo mpaawa Mpendi! Elyo ikuti na Nse citi zintu ezyo Musa a basinsimi nzoba kaamba kuti Ndiyo cita, nkokuti muta Ndi syomi. Ikuti na Nse citi milimo ya Leza, nkokuti muta Ndi syomi. Pele ikuti na tamu konzyi ku Ndi syoma, mukuba Muntu, elyo ikuti na tamu konzyi ku Ndi syoma nkaambo Ndili Muntu a kucita milimo ya Leza, amusyome milimo nkambo ilungulula cintu eco Nce cita.” Mwabona?

<sup>114</sup> Pele mpawo, mbuli sunu, ikuti Na kaponaa nyika sunu, Assemblisi ya Leza niyakali nooba a yomwe, ba Oneness bakali kunga baba a omwe, alimwi bantu boonse bakali kunga baba a Jesu. Masimpe, kabungwe kabo keelede kubweza bbola. Mwabona? Ikuti na taciinki, nkokuti taba citi. Kupambula bunyina.

<sup>115</sup> Nda yeeya mulombe muniini wakauzikidwe kuti “Davida muniini.” Walo mwaalumi, uukwete lino, Ndi yeeyela kuti ujisi mukwasyi. Nda yeeya cindi na katalika lutaanzi. Nda kaunka

ku St. Louis. Nda kamvwa mukambausi mulombe muniini, oyo wakali kunga waimikila alya a kuti, “Jesu, mulombe muniini, wakazyalwa mu cilido cabanyama. Baama, ino ncinzi eco mbo cakabede?” Pele kutali mulombe oyo muniini. Wa kasowa bbaki lyakwe, kabweza cibalo a kukambauka. Pele ino wakali nzi? Wa kacitika kuba Jesu Buyo. Bawisi Bakwe, Ba. Walker, bakali kuzulilwa kuli Jesu Buyo. Baa, ba Assemblisi tiiba kakonzya kwiima eco. Ba kaleelede kuba janina David muniini. Baa, bamwi babo bakacita kuba janina David muniini. Elyo ciindi cimwi mulombe muniini nakali kuba a muswaangano kumusanza mu Florida, wa kandiitila kuboola kunselelo a kumugwasya. Elyo Mukwesu Moore a Ndime twa kabala mapegi obilo aa cibeela capepa cakumbele, kakutakwe cintu pele ba David baniini, mbungano yoonse yaka jisi Davida muniini. Oh, yaa! Baa, ikuti na nkamu ya baalu ba Leza niyakaziba cipego mu mulombwana ulya muniini, na kafumpa zyuulu zya bantu mu Bwami, mwabona; ku mwaambila kuluba kansiyanisiya kakwe kujatikizya muntu a ceeci mbuli ceeco. Leza waka jisi cipego mu buumi bwakwe, ku cibelesya!

<sup>116</sup> Cindi kuponesegwa kwa Buleza nibwa katondezegwa lutaanzi, bantubonse bakali jisi kulimvwa mu maanza abo a kukonzya kununkizya malwazi. Elyo, oh, ma! Nkaambonzi? Ba kacicita, kabunga kabo kakali mu mukowa wa kaindi. Mwabona, muli jisi tubunga twanu kumbele lya bukanze bwa Leza, muyeeya kuti mbo cibede. Pele Leza uli jisi Mbungano Yakwe kayabuya mbubonya buyo, Mubili utalibonyi wamaseseke. To sangani Oyo, wazyalwa muli Nguwo.

<sup>117</sup> Basongo mu busongo bwa inyika, pele bafwide mu mabambe aa Leza. Amu ndaambile, mpawo. Amu ndaambile, mpawo. Inga wa baambila a kutondezya kuli mbabo kuti bali lubide, kwiinda ku Ijwi lya Leza a cisyomezyo, nkabela nekubaboobo tabaka ciboni. Inga ndakkala mpoonya ansi a kubweza Ijwi a kumutondezya kuti kabungwe kali lubide. Nda konzya kumutondezya tuyanza twabuzumini oto nto mujisi sunu tulilubide, mwabona, otu tuyanza twabukombi twa mbungano. Tondezya kuti cili lubide, nkabela bayo amba, “Ee, twa kayiisigwa kusyoma *eci*.” Nywebo mwabona, ku kuyeeya kwangu, nzi—nzi belesyo munkondo, ikuti na mulizi Nce kanana, nzi belesyo buyo mu nkondo. Inzya, mbo mbubo. Taba konzyi kubona. Jesu wakati, “Yebo, yebo—yebo tokonzyi kubona, kuti yebo inga waboola kuli Ndime a kuba a Buumi.”

<sup>118</sup> Kwakali Nikodemo, muntu uulemekwa, muntu mulemu, bishopo mu mbungano yakwe, muntu uuzizilwe, kali kuyandwa aboonse, elyo waka sika kuli Jesu nkabela takazyi kujatikizya Buumi kwinda—kwinda cintu nea kacita. Wa kanyina luzibo maningi kuli Neico cindi Jesu naka mutapatila nkambo ka neico, pele wa kali sinizizye kwini ku boola. I bamwi babo tiiba kaboola akwalo. Ba kaima a bapaizi bapati a Bishopo *Niini-a-niini*

alimwi *Niini-a-niini*. Mwabona? Ba kaima a mbabo, mubwini kubweza tunsiyansiya twabo twa baalu babo kwiinda kumvwa Ijwi lya Leza.

<sup>119</sup> Lino, inga wa baambila, taba kaswiilili kuli ncico. Yebo inga buyo ncobeni...Sa inga mwayeeya...Ndi yanda ku mubuzya cintucimwi. Ta ndaambi ceeci kusanka cisetekene. Lino, bakwesu baswiilila ku teepu, Ta ndaambi eci kusanka cisetekene. Sa inga mwandi yeeyela kuunka awa, alimwi—alimwi cikoto a samu kukonzya kundi buzya, “Mbobuti mu nyika mbo endeanda koonse mbuli mbo cita? Ndi jisi buumi, Ndili kakoto ka cisamu eci?” Ula konzya kutondezya kuti uli jisi buumi, pele musyobo mubi. Ikuti na uyanda kweenda koonse, nzila buyo nja kalino konzya kweenda koonse, kubona, kulabila, kwaampa, kununkizya a kumvwa, ikuti na cakonzya kwaambaula akwaambila ndime akubuzya ceeco, nzila biyo, inga ceelela kuzyalwa nzila Mbwe kazyalwa. Ameni. Ta cika cimvwisya mu nzila imbi. Pele ikuti na wakazyalwa nzila njionya Nje kazyalilwa, mpawo uyo ziba zintu Nze zyi. Ameni. Oh, ma! Iyi, munene. To konzyi kwaambila kakoto aa cisamu obo mbo tweenda a kuona, inga kweelede kutambula musyobo wesu wa buumi ku umvwisya. Mbubonya a Muuya! I cintu nciconya cili a Muuya, nape to konzyi Kuu mvwisya. Ta kuyandikani kusola ku Ci mvwisya coonse, kaboola buyo kuli Nguwe lutaanzi. Nkambo, “Muntu nata zyalululwa, ta konzyi akwalo kubona Bwami,” Wa kati, nkokuti, “ko Ci mvwisya.” We elede kuzyalululwa kutegwa yebo Buzibe.

<sup>120</sup> “Ee,” yebo wati, “Nda kazyalululwa.” Elyo kukaka Ijwi? Mbobuti mbo konzya kuba? Buumi bwako bwini bukupa kusimpikizigwa kwa mbubo, nkamu yako ini njo kasangana abo, bayuni ba mapepe. Mwabona? Amulindile mane tu selemuke ku zintu ezyo mu maminiti masyoonto, mwabona.

<sup>121</sup> Aboola kwiinda ku Muuya. Mbobuti mbo mukonzya kwaambila bantu zintu zya Muuya batazyalwa ku Muuya? We elede kuzyalwa ku Muuya kumvwisya zintu zya Muuya. I. . . Jesu wakati, “I guwo lilaunga oko nko licita, yebo tokonzyi kuziba inzila nko li boola na nko lyeenda.” Mwabona? Mbubonya oonse wakazyalwa ku Muuya, taba konzyi kumwaambila. Muntu wakazyalwa ku Muuya tali biliki, ulekelala Leza kuyeeya.

<sup>122</sup> Sena muyeeya kuti inga Nda ima aa cibumbili awa, kubweza muyeeyo a kwaambila muntu kusule okuya, “Zina lyakwe ngu *John Doe* alimwi wakazwa ku busena buli *boobu-a-boobu*, wa kacita *ceeci*. Elyo wa kakwata mwanakazi uumbi kusule kuya, myaka iili makumi obile yakainda, elyo wa kazyala bana kwiinda ku mwanakazi oyu. We elede kujosya cintu *eci*, a kucita *ceeco*,” sena muyeeya kuti, kubweza muyeeyo, Nda konzya kucita ceeco? Taakwe busongo buli boobo mu kuzyalwa oku awa aa nyika bwa ceeco. Cila indilila kuli ceeco. Ce elede kuzwa Kujulu. Mpawo cindi wazyalwa aa Muuya, Atala, Buumi bwakali



muli Nguwe Oyo wakacita zintu ezyo, kati, “I milimo Nje cita, muyo icita anywebo.”

<sup>123</sup> Kuzyalwa kwako kweelede kucincwa. Wa kacengwa. Kwayanda wa kaambaula mu myaambo, kwayanda waka sotauka mujulu ansi, kwayanda wa koongolola, kwayanda wakacita konse *oku, oko, i kumbi*, kwayanda wakali ii—membala usyomeka. Mbubonya Nikodemo, mwabona, pele wa kabulide kuzyalwa. Elyo cindi wakaka Ijwi, kusola ku Li bikka abusena bumwi bumbi a kucita cintucimwi kuli Ndilyo, a ku Li mwaisya mbuli boobo, mpawo. . . Jesu wakati, “Ezi zitondezyo ziyu batobela abo basyoma. Kamuya mu inyika yoonse a kukambauka Makani mabotu ku bantu boonse.” Kufumbwa kuti Makanimabotu ali muku kambaukwa, ezi zitondezyo ziyu batobela. Amu ndaambile busena awo Mpa kasola kucigwisya kuzwa ku mbungano. Nditondezye Lugwalo awo Mpa kaamba, kasola kwaamba, “Kwa ciindi buyo cilamfu.” Wa kati, “Ku inyika yoonse a ku zilenge zyoonse!”

<sup>124</sup> Iiyi, inga weelede kutambula musyobo wa Buumi oyo Ngwa kajisi, kutegwa kapone Buumi Bwakwe. Elyo cindi wabona Buumi Bwakwe, mpawo uyo ziba Ijwi Lyakwe. Mbo mbubo. “Cindi Walo,” bbala lyaamba muntu cigaminina, kutali muyeeyo, kutali kwezeezya, kutali kunyanyamukwa, pele “cindi Walo, Muuya Uusalala, wasika, Uyo bweza zintu ezi Nze kamwaambila, aku ziyubununa kuli ndinywe, aku mutondezya zintu ziciza.” Oko nkuzyalwa. Oko nkusimpikizigwa kuti Ndi Ijwi. Elyo cindi muntu aamba kuti ujisi Muuya Uusalala, a kukaka Ijwi lya Leza a ku Li bikka abusena bumwi bumbi, mbobuti Muuya Uusalala mbo ukonzya kukaka Ijwi Lyakwe Mwini? Lino kondi tondezya kabunga mu Ijwi. Mpaawo we. Mwabona? Yaa.

<sup>125</sup> Sa inga mwayeeya zya simakwebo. . . Lino mboobu mbungano yesu mboili kulaale. Sa inga mwayeeya simakwebo wakatalika makwebo anselelo awa, alo ii. . . alo makwebo acita kabotu loko, alimwi weelede kujana lugwasyo cakufwambaana, alimwi ula unka ku nkamu ya bantu bafwide, mitunta, a kwaamba, “Sa inga wandi belekela?” Inga tee baba lugwasyo kuli nguwe.

<sup>126</sup> Ako nke kaambo kabunga taka buka alubo. Mwabona? Ii nkamu ya kutasyoma kabali bunganya beni antoomwe mbuli Nimurodi, mbuli Kora, mbuli muciiindi ca bukkalo. Mbobuti. . . Ta kakonzya kwiibelesya, takasola kubelesya kabunga. Ta konzyi kucicita. Ca zwa kale ku luyando lwa Leza, ca kainda kwiindilila ceeco. Ta cisikwi, tacikwe bulingule.

<sup>127</sup> Mbobuti mbo konzya kuunka ku muntu oyo watakali kukonzya kweenda, mutwe wakalebuka, janza a cituta, mwaambile kuti uyanda kuzuza muzundano wa mauu kuli nduwe, kuzuzila muzundano oyu a lukakatilo, kubikka

ambali. . . Mwabona? Mbobuti mbwa kakonzya kucicita kakuli muntu takonzyi kweenda, uli lebukide? Yebo weelede kujana kulebula kuzwa kuli nguwe, lutaanzi, mpawo ula konzya kuzuza.

<sup>128</sup> Eco ncencico kabunga nco kayandika, nkuponesegeka kwa Buleza. Oh, ma! Nda syoma ta Ndi jani. . . kuba sikukazya. Mwabona, Nse jani butongo, pele ikuti na mpikili tiya jata kabotu ilasomoka cabuteteete. Mwabona? Ako nke kaambo Muuya Uusalala ncou takonzyi kubelesya kabungwe. Mbo usikila buyo. . .

<sup>129</sup> Amuyeeye, Nda syoma kuti Martin Luther waka jisi Muuya Uusalala. Nincobeni. Ndiza kutali mu cibeela Mbo cibede sunu, nkaambo Tii caka pegwa. Twa kainda muli eci, nywebo no bantu ba cikombelo, awa aa bulakiboodi. Pele wa kasyoma kuli Leza, “alimwi oyo usyoma uli jisi Buumi buteeli.” Nse kayeeya kuti kwakali muntu wakali kusyoma boobo mbuli ndime, mane cifumo cino, Nda mvwa Charles Fuller mbuli Mbwe kali kuselemuka. Ula syoma, awalo, kuti kuzyalwa kupya tacili lubapatizyo lwa Muuya Uusalala. I kuzyalwa kupya nkuzyalwa. I Muuya Uusalala ndu bapatizyo. Mwabona? Yaa.

<sup>130</sup> Lino tu jana kuti oyu muntu weelede kuzyalululwa kutegwa apone. Yaa, ku zyalwa kunyama, mpawo muli jisi busongo bwa inyika. Elyo busongo bwa inyika bulaswiilila ku mwiiyi wabo wanyama. Mbubo. Ako nkekaambo ncobeni muntu oyo uta jisi kuzyalwa kupya, a ku mwaambila Ijwi lya Leza, bayo swiilila bbishopo wabo, mwaalu wabo na kabunga kabo, mubusena bwa Ijwi lya Buumi. Nkaambonzi? Taakwe ncocizi pele eco. “Baa, nywebo mulizi, buzubabumwi Ndi yooba mwaalu.” Baa, Nikodemo wakali simalela. Eco cakali kwiindilila mwaalu, oyo wakali kwiindilila ii—ii—ii mweembezi, oyo wakali kwiindilila, oyo wakali simalela mu Israyeli. Mwabona? Iiyi, alimwi wa kali muntu mulemu, wa kali kuzulilwa ku nkamu eyi alimwi takazi kunji kujatikizya Leza kwiinda cimwi. Mwabona? Koonse nkwakazi cakali makani aakale.

<sup>131</sup> Mbubotu nzi Leza wamakani aakale ikuti na Tali nguwenya sunu? Mbubotu nzi Leza wa Musa ikuti na Tali Leza nguwenya sunu? Cigwasya nzi Leza kukonzya kufutula muntu a ciingano oyo uta konzyi kufutula umwi aciimo nciconya asunu? Mbuli Mbwe kaamba lyaonse kuti, “Ino cigwasya nzi kupa muyuni wako wiimba kabotu nseke zibotu a mavitameni, ku mubamba kuba a mababa mabotu aa mayuma a mapepe mabotu, a ku mubikka mu cizangala?” Ta ndi cimvvisyi. Kusola ku mwaambila kujatikizya Leza wa nguzu a zintu, a kumunjizya mu kabunga ako kata syomi akwalo mu cintu cili boobo. Mwabona? Ca mana. Ako nke kaambo nco kakakilwa, kali fwide. To konzyi kukabelesya. Leza taka kakabelesya.

<sup>132</sup> Amuyeeye buyo, Muuya Uusalala taakwe niwa kacita,

kufumbwa ciindi, kubelesya kabunga, taakwe mu Lugwalo na taakwe mu makani akale. Ikuti na muntu uli oonse aa teepu eyi, na uuliko, inga wanditondezya awo Muuya Uusalala mpowa kabweza kabunga a kubamba ntaamo mu nyika, kuboola kundaambila. Ndi yanda kuti undaambile bbuku lya makani aakale nko lyakazwa. Nywebo mulizi kuti tacili mu Lugwalo, aboobo Ndi yanda kuti munditondezye makani aakale nko kakazwa. Leza taakwe naka belesya kufumbwa cintu mbuli eco. Ula belesya mugame, lyoonse.

<sup>133</sup> Ncibotu, ku zyalwa aa Muuya. Lino, ku zyalwa kunyama, a kuba a busongo bwa inyika, busongo buyo swiilila mwiiyi wabo wakunyama. Ku zyalwa ku Muuya nku syoma a kuswiilila kuyiisya kwa Bbaibbele, kwiinda ku Muuya Uusalala. Elyo muntu wakazyalwa ku Muuya uyo swiilila Ijwi lya Leza cakutalangnya eco kansiyansiya kali koonse nco ka mwaambila. Ncico buyo. Wa kazyalululwa, ako nke kaambo ula bona. Kuzulilwa ku kabunga, kabikka bulangizi bwako boonse muli ceeco. . .

<sup>134</sup> Lino, Ta ndaambi kuti bantu bali mu kabunga tabana zyalululwa. Lino, Ndila sika kuli ceeco mu maminiti masyonto, na Mwami wayanda. Masimpe, mbo babede, pele mbage. Kutali kabunga kazyalululwa; bagame omuya bala zyalululwa alubo. Pele kabunga ka mutantamuna buyo kuzwa kuli Leza, nkukoonse nko kacita: kwandaanisigwa. Yaa. Kakutakwe kulanganya nyama, kabungwe kayiisya mubili, lyoonse kaliimpene ku luyando lwa Leza.

<sup>135</sup> Kwalo *kuzyalululwa* caamba “kuzyalwa kuzwa Kujulu.” *Alubo* caamba “kuzwa Kujulu.” Nda yeeyela mulizi obo, mwabona. Kwalo *kuzyalululwa* caamba ku “kuzyalwa kuzwa Kujulu.” Lino, muyo bona, inga mwa lilangalanga ikuti na mula yanda, lekisikkoni. Mwabona, caamba “kuzyalwa oko nkuzwa Kujulu.” Nkaambo, wa kazyalwa *awa*, lino kuzyalwa alubo weelede kuzyalwa kuzwa atala *Awa*, ku kuzyalululwa. Mpawo obo Bwami bulaatala maningi kwiinda bwami obu, bupati loko kwiinda bwami obu, mane bwami obu mbufuba kuli Boobu, alimwi Obu mbufuba kuli boobu.

<sup>136</sup> Mbuli Mbwe kaamba kanji, mebo a mukaintu wangu okuno kutali ciindi cilamfu cainda kaunka kuyo jana zyakulya a zintu zimwi, kutandila myeezi misyoonto yainda, elyo twa kabona mwanakazi oyo wakasamide musinsi. Elyo cakali cintu ceenzu loko nco twa kasola kubona mu ciindi cilamfu.

<sup>137</sup> Ee, cifumo cino, Ta ndaambi eci kusanka cisetekene, Nda kamvwa kamwi ka tubunga tupati twampuwo. Elyo mwana wangu musimbi a Ndime twakali kuswiilila ku redio mbuli mbo twa kaunka kuyo tuula mbungano. Elyo lwiimbo ndoba kaimba, musyobo umwi wa cintucimwi cimbi kuli *Niini-a-niini*, kumwi kwiimba oko kubotu loko kulimvwisya kuli ndime mbuli

banakazi bajatilila kuyoya kwabo mane baba bbulu ku meso, elyo mpawo kuyeeya kuti nkwiimba. Oko nku cwema buyo. Nda botelwa kwiimba kubotu kwa kaindi kwa Pentekoste, nkoonya kuzwa ku moyo wako. Inga tobweza tyuuni mu bbakete lya mulilo, pele nekubaboobo ulaimba, kupanga coongo calutangalo ku Mwami. Ndi yeeya kuti nca kumuuya. Nda ciyanda. Pele oko kujatilila kuyoya kwako kusikila waba bbulu ku meso, a kufwa elyo mpawo kujokela, nguni. . . To lizi omwini nco imba. Mbobuti mbo langila umwi umbi kuziba? Nce ncico. Jesu wakati, “Tu kanana zintu nzo tuzi.” Mbo mbubo. Mbo mbubo. Eco nco tweelede kucita nkuimba eco nco tuzi mu myoyo yesu, eco nco tumvwa.

<sup>138</sup> Elyo cindi bamanizya, mwana wangu musimbi wakaiya zya kwiimba, elyo waa kati, “Mukwesu,” waa kati, “eco cakali ciimo cini.”

<sup>139</sup> Nda kati, “Iiyi, pele mbangaye bazwa mu kkwaya eyo ya bantu batandila ku makumi osanwe sena muyeeya kuti baka jisi misanga yatombwe ku kuyoya kwabo? Mbangaye ba kkwaya eyo mbo muyeeya, masiku ainda mukuba mu Mujibelo masiku, bata kajisi cakunywa cabuleya ciniini? Mbangaye banakazi omuya baka jisi masusu ageledwe? Mbangaye baka penta, cindi mweembeli wa mbungano nakaamba mazuba masyoonto ainda, ‘Leza wakapanga nyika mbotu kwiinda cindi Na kaanza mubala?’” Kakuli, tu lizi kuti kuli mwanakazi omwe mu Bbaibbele waka penta busyu bwakwe, nkabela Leza waka musanizya ku babwa. Elyo swebo, kufumbwa muntu uuzi cintu kujatikizya mbungano a kujatikizya bahedeni, ulizi kuti penti ngu mukondo wa buhedeni, lyoonse mbwakabede. Elyo, nekubaboobo, banakazi bala cicita. Elyo mwaalumi kafweba, kanywa, kulilemeka bumwi. Alimwi kwiimikila awo alimwi a kwiimba, majwi mbuli obo. Tu yoo sika kuli ncico mu maminiti ma syoonto mponya awa. Kuli kabotu. Kuzulilwa ku kuyeeya kwakabunga, kakuli, kuyooba kuusansoni ku Lubeta, mu kuyeeya kwangu.

<sup>140</sup> Ku zyalwa ku Muuya, nku kusyoma a kulilemeka lwako mu Muuya, nkumwisya a kusyoma a moyo wako kuti Jesu ngu Kristo alimwi Eli ndi Ijwi Lyakwe, cakuti taakwe majwi amwi akonzya kuyungizigwa kuli Ndilyo na kugusigwa kuli Ndilyo kakutakwe zina lyako kugusigwa mu Bbuku lya Buumi. Oyo wakali umwi muyumu. Ikuti na wayungizya cintu comwe kuli Ndilyo, mu kansiyansiya kako, na kugusya cintu comwe kuzwa kuli Ndilyo, ee, Kristo wakati, Mwini, “Zina lyako liyo cumbwa kuzwa ku Bbuku lya Buumi.” Lino, amujane kabunga, kabungwe mu Bbaibbele. Muyo cija kuzwa kuli ncico! Ncibotu. Kakutakwe kulanganya nyama, lwiiyo lwa kabungwe luliimpene ku Bbaibbele. Inzya. *Kuzyalululwa* caamba kuti “Kuzyalwa kupya kuzwa Kujulu; kuzyalwa kuzwa Kujulu.” Mpawo tula pona mu zintu zizwa Kujulu. Oh, ma! Nkambo

Ngo Lwakwe kalilemeka mu Ijwi Lyakwe kwiinda muli nduwe, mutabi Wakwe, ku Musaansa.

<sup>141</sup> Ako nkekaambo Jesu wakati, “Ikuti na Nse citi milimo ya Taata Wangu, muta Ndi syomi.” Oh, masimpe! Wa kati, “Taakwe muntu wakatanta kuya ku Julu pele Oyo wakaseluka kuzwa ku Julu.” Amu Mu langilile kabamba Nikodemo awa, cindi Nekodemo . . . Nywebo mulizi, ba kayeeya, Walo mukuba Muntu, Ta kakonzya kuba Leza. Elyo Wa kati, elyo ngooyo Wa kati, “Taakwe muntu wakatanta kuya ku Julu pele Oyo wakaseluka kuzwa ku Julu, akwalo Mwana wa muntu oyo uuli eno ku Julu.” Eco cakali maningi kuli nguwe. Mbobuti Mbwa kali kukonzya, Mwana wa muntu, kuseluka ansi kuzwa ku Julu, kuseluka *ansi* kuzwa ku Julu, wakali nguwenya wakatanta kuya *atala* ku Julu, alimwi Oyo nguwenya wiimvwi awa atala lya ng’anda eyi, kaambaula kuli Nikodemo, wakali *ku* Julu lino? Ee, wa keelede kubona kuti wakali Leza. Ngu uulikokoonse, koonse! Mwabona? Pele walo, mu tunsiyansiya twakwe, takazi obo. Ta kali simizeezo ya kumuuya. I muzeezo wakunyama, elyo tiwa kakonzya ku cijata.

Ula amba, “Nguni bantu ngo baamba kuti Mebo kuti ndemeni nde Mwana wa muntu?”

“Bamwi balati, ee, ‘Walo Mwana wa Davida.’”

<sup>142</sup> Wa kati, “Mpawo nkaambonzi Davida mu Muuya waka Mwi ita kuti ‘Mwami,’ kwaamba, ‘I Mwami wakati ku Mwami wangu, “Kokkala Yebo aa janza Lyangu lyalulyo, mane Nka bambe balwani Bako kuba butandabilo bwa maulu”?” Obo Mbwa bede koonse Muyanda a Cisyuukila ca Davida; Wa kali kumbele lya Davida, Wa kali Davida, elyo kumane Davida. Mwabona? “Walo Muyanda a Cisyuukila ca Davida,” Bbaibbele lya kaamba boobo, koonse Muyanda a Cisyuukila ca Davida. Mbobuti Mbwa konzya kuba Mwana Wakwe mpawo? Mbobuti Mbwa konzya kuba Mwami Wakwe? I Bbaibbele lyakati, “Kuzwida eelyo taakwe ncobaka Mu buzya.” Ndi yeeyela kuti cakali cintu cibotu, acalo. Iiyi, munene. Ncibotu.

<sup>143</sup> Kazyalululwa kuzwa Kujulu. Mpawo tuli puta, kubeleka mu zintu kuzwa Kujulu, alimwi, nkambo Buumi Bwakwe buli muli ndiswe, buli ndi Ijwi Lyakwe kalisimpikizya Ijwi Lini. I Muuya uli muli nduwe ndi Ijwi lyakaba mu mubili wabantu muli nduwe. I Muuya ulayeeya Ijwi, alimwi ulabeleka mu kusimpikizya Ijwi.

<sup>144</sup> Lino, Muuya tauli mukubeleka mu kabungwe kali koonse. Ta cibotelezyi kupanga kabunga, nkaambo Muuya Lwawo uliimpene ku kabunga. Kabunga kalangila zintu zyanyika, mizeezo ya inyika, alimwi bayaka matempele mapati a zintu zyakalondolwa, a tubunga tupati twa kalondolwa, bakambausi bakalondolwa, azimwi mbuli ezyo, a musela mubotu maningi mu dolopo. Oko, Muuya usoleka kujana myoyo iisomeka oko Muuya nkou yandisisya kuyubulula a kutondezya kuti

Ijwi lya Leza lyoonse ndya bwini. Mbobuti mbo mukonzya, mbobuti Muuya mboukonzya kubeleka mu kabunga kakuli ula kaka, kubweza tunsiyansiya mucibaka ca Ijwi? Konzyi kucicita. Aboobo, nywebo mwabona, cili fwide. Leza taunki ku misyobo eyo ya masena kuyo jana Yakwe, i—i nkamu ya muntu yaku Mu belekela, nkaambo bali fwide kale. Balo mbasikutasyoma mu Ijwi, nape nitwa taliko omuya. Mwabona? Lino, tula puta mu zintu zizwa Kujulu. Lino, Muuya ulayeeya Ijwi. Lino, mbo mbubo, nkaambo Muuya upa Buumi bwa Ijwi. Mwabona? “I lugwalo lulajaya; Muuya upa Buumi.”

<sup>145</sup> Lino, Ndali kuboola sunu, nke langide ku masamu mapati mabotu okuya mu cisaka, zilundu zipati, zisalaluka, zyayelo, zijisi zivuna zya griini lyonse zya tudomwi muli nzizyo. Nda kati, “Yebo ulizi kuti ninzi?” Nda kati, “Twa kazwaa kuba alufu, alimwi Leza wasakatizya malubaluba Aakwe, kwaasimpa mu zilundu. Alo malubaluba aa dilwe. I buumi bwa jokela mu suko. Leza wakazikka buyo onse kuba imbuto Zyakwe kuzwa ku malubaluba a zintu, ku zijosya kuzikkwa, nkabela Wa kasyuusya ncobeni kusakatizya Kwakwe kwa malubaluba. Ula ngila aa nyika nkaambo ngu malubaluba aa dilwe. Pele cindi zuba lya pasuka alubo, eyo mbuto iyo tola buumi alubo.” Ameni. Yaa.

<sup>146</sup> I Muuya ulabikkila maanu mu kusimpikizya Ijwi. Elyo ikuti na wakazumina kansiyansiya mucibaka ca Ijwi. . . Lino, yebo wati, “Ee, tula Ci syoma coonse, pele, Mukwesu Branham, Ndi lizi tatu syomi *Eci*.” Mpawo mpoonya awo mpoima.

<sup>147</sup> Mupaizi wa ndaambila ciindi cimwi kuti wa. . . kuti i—i silutwe wa kati, na Nda syoma wakali silutwe mupati, kati, “Mupaizi, koya kokuya, ngooyo silutwe uli mukufwa. Wa kadubulwa meshini gani.”

<sup>148</sup> Wa kainka kuya, elyo silutwe wakali kupengaana. Ba kamukwela mu tente lya Red Cross, elyo wa kati, “Silutwe.”

<sup>149</sup> Wa kalanga mujulu kwiinda mu kukunka aa bulowa, elyo wa kati, “Iiyi, munene.” Elyo wa kati, “Uli mupaizi.”

“Iiyi.” Wa kati, “Uli mukufwa, silutwe.”

Wa kati, “Ndi licizi.”

Wa kati, “Sena uli Munakristo?”

Wa kati, “Nda kali kunga.”

<sup>150</sup> Kati, “Nkokuli nkoka Mu siya, silutwe?” Wa kati, “Uyo Mu jana mpoonya awo mpo ka Mu siya.” Mbwini.

Silutwe wakati, “Ta ndikonzyi kuyeeya.”

<sup>151</sup> I mupaizi wa kati, “Ncibotu wacita, to jisi pele kutandila maminiti ambi masyoonto, nzila njo pengaana.” Mulomo kuujuka, bulowa kabuzwa mu mulomo a matwi aakwe, elyo musyonga ya meshini gani atala lyakwe. Kati, “Ncibotu wabinda, mapunga ako azulila.”

152 Elyo silutwe wakatalika kutuntulika, mpaawo mbuli mbwa kupengaana. Ii kumwetamweta kwa kaboola ku busyu bwakwe, kati, “Ndi lizi lino.”

Kati, “Ino waka Mu siya kuli? Talika mpoonya awo.”

153 Wa kati, “Lino Nda lilazika ansi kuti ndoone.” Awo mpempawo mpaka Mu siya, awo mpempawo mpa Mu jana.

154 Cindi kabunga kanu kayiisya cintucimwi ciimpene ku Ijwi, mula Mu siya mpoonya awo. Amu joke ncobeni, nkaambo Ula beleka mu kusimpikizya a kubamba Ijwi eelyo kuba bwini. Obo Jesu mbwa kabede, lyoonse kacita luyando lwa Taata. Mwabona? Ncibotu.

155 Aboobo, mwabona, kumvwisya kwa Nikodemo tii kwakali kwaamba cintu kuli Leza. Lino, takukwe makani na wa kali sikudubula mupati, mbuli mbo tu ciita, mu kabunga, simalela mu Israyeli, koonse kwiiya kwakwe a kumvwisya tii kwakali kwaamba eco [Mukwesu Branham wanontola kanwe kakwe—Mul.] cindi na kaima kumbele lya Kristo, kutapatilwa buyo kuli nguwe. Lino, Nda yeeyela bantu boonse ba laamba, “Taata uusalala, Nikodemo. Taata uusalala, Nikodemo. Twa ku kotamina, munene.” Pele cindi Jesu, wa kaima kumbele lya Leza, Wa kamu tapatila nkambo ka kubula kwakwe. Aboobo, nywebo mwabona eco coonse mbo cuunka, amu cilube! Ko zumanana, atu unke kuli Leza. Mbo mbubo. Yaa.

156 Naanka kumvwisya kupati kwa Kora ta kwaambi cintu cili coonse, na Adamu, aumwi kukaka Mulumbe wa Leza waka simpikizigwa. Lino atu swiilile kabotu lino, tuyo njila mu meenda malamfu mu miniti. Mwabona, umwi aumwi wabo, kaambo nco baka njila mupenzi, Nikodemo, Kora, Nimurodi, a zimwi zimbi, nkaambo kakuti tiiba kaziba mutumwa wa Leza a Ijwi lyaka simpikizigwa lya buzuba obo. Lino, kufumbwa muntu ulizi obo. Lino, inga twa kkala ali ceeco kwa ciindi cilamfu. Pele Leza wakaamba kumbele a kwaamba cintu cimwi ciyo citika, muntu ulapanga tubunga, ula bamba muntu kubikka buyo mbubonya. Ba kasyona kuti kwakali Mesiya wakali kuboola. Oh, balo ba Juda, oh, ma, masimpe! Pele cindi Jesu nakasika nzila Mbwa kacita, ba kati, “Oyo takonzyi kuba Nguwe.” Ba kakakilwa kumvwisya Ijwi. Lino, Jesu taka boola kwiiimpana ku Ijwi (sa Wa kacita?), pele Wa kaboola kwiiimpana ku bupanduluzi bwa kabunga ibwa Ijwi. Musa taka boola kwiiimpana ku Ijwi, wa kaboola ncobeni a Ijwi; pele Kora waka kakilwa ku cibona. Alimwi konse kuselemuka mucuindi yakali nzila eyo.

157 Lino amulange. Oyu Mulumbe wa buzuba taukonzyi buyo kuba cintucimwi caamba kuti “tu jisi Bwini alimwi tu jisi *obu, obo,*” ceelede kwaambwa kumbele mu Ijwi Lyakwe! Elyo mpawo Ijwi lyamana kuzyalwa, lye elede kusimpikizigwa kabotu kwiinda ku Ijwi.

158 Jesu waka simpikizigwa kabotu a Leza, kwiinda ku Ijwi. Wa kati, “Ikuti noka ziba Musa, noka ziba buzuba Bwangu.” Ee basinsimi bakaamba kujatikizya Nguwe, ee basinsimi boonse bakaamba obo Mbwa kabede. Elyo nekubaboobo caka bofwaazya, tiiba kakonzya ku cimvwisya. Mwabona? Pele Jesu wakali. . . Elyo Nse citi. . .

159 Ndi yanda kwaamba ceeci ku teepu, a kuli ndinywe, anywebo. Mwabona, mutumwa ujisi Mulumbe wa buzuba!

160 Lino, ikuti na mwaunka, muna Seventh day Adventisti wati, “Tu luujisi, kamubamba buyo Sabata!” Yebo nditondezye eco mu Magwalo. Muka. Eddy Baker wakati wakali ci jisi. Ci tondezye kuli ndime. Kamboni wa Jehova wakati bakali ci jisi. Ci tondezye kuli ndime. Mwabona? Methodisti yaamba kuti bali ci jisi. Ci tondezye kuli ndime. Baptisti yaamba kuti ba luujisi. Amu tondezye kuli ndime. Amundi tondezye tubunga tumwi. Ndi mutondezya kuti mbobabede, umwi aumwi, kuzwa ku luyando lwa Leza. Boonse babo balandeene, kuyiisya tunsiyansiya twa muntu mucibaka ca Ijwi lya Leza. Ta ndizi umwi wabo uyo zumina zintu ezyo zilembedwe ncobeni mu Bbaibbele nzila mbo Ci bede. Mbo mbubo. Pele cindi muntuumwi aboola ambali a kuti, “Ndi jisi Mulumbe wa buzuba,” weelede kubonwa kabotu a kwaambwa kumbele.

161 Cindi Johane Mubapatizi nakeenda okuya, ba kati, “Sena nduwe Kristo?”

Wa kati, “Nseli obo.”

Kati, “Sena—sena nduwe Eliya?”

Wa kati, “Ta ndili nguwe.”

Wa kati, “Ino Ndu weni?”

162 Wa kali kukonzya kulizibya mwini, wa kajisi Mulumbe wa oora. Wa kati, “Ndili jwi lya umwi woompolola mu nkanda, mbuli mbwa kaamba Isaya musinsimi. Lino, ikuti na kuzyalwa a buumi bwangu tii bwa keezyanisya aceeco, muta—muta nditambuli.”

163 Cindi Jesu nakasika, cakali cintu nciconya, cintu nciconya. I mutumwa ujisi Mulumbe, weelede kuba Mulumbe wa Leza wakaambwa kumbele. Elyo mpawo Leza, kaambaula kwiinda ku mutumwa oyu, kusimpikizya kuti Mbwini. Sena mwa cimvwa? Sena mwa cimvwisya? Amu cimvwisye! Ce elede kuba MBUBOBU MBWAAMBA I MWAMI, wakaambwa kumbele. Elyo mpawo mutumwa a Mulumbe, weelede kuba mbubonya eco Leza nca kaamba kuyo citika ku ciindi eco.

164 Eyo nje nzila Musa mbwa kabede. Ako nkekaambo nca kawida ku busyu bwakwe kumbele lya Leza, a kuti, “Leza, Wa kandi tuma.”

Wa kati, “Lyandaanye lwako kuzwa ku nkamu eyo.”



165 Mwabona eco Nce pandulula? Lyoonse cakali cintu eco cakapilinganya mizeezo ya muntu, kuba gusya kuzwa ku luyando lwa Leza. Lino amuyeeye, kaambwa kumbele kwiinda ku Ijwi Lyakwe a kusimpikizigwa kabotu kwiinda ku Ijwi Lyakwe. Lino, Jesu wakati, “Ikuti na Nse citi milimo eyo... ya Leza, nkokuti muta Ndi syomi. Mwabona, ikuti na Nda impya... Kwaamba, nguni wanu ukonzya ku Ndipa mulandu wa cibi? Nguni wanu ukonzya ku Ndi tondezya kuti Ndime sikutasyoma?”

166 Nikodemo wakati, “Tu lizi Uli... Rabi, Yebo wakazwa kuli Leza, nkaambo taakwe muntu wakali kukonzya kucita zintu ezyo citakuti Leza wakali a nguwe.” Mwabona? Aboobo caka tondezya kuti Wa kali musyomi.

167 Lino, swebo notuzi makani aakale aa mbungano. Lino amusame mazangala aanu aa kuyeeya. Ciindi tacina mana, mwabona, aboobo amuswiilile buyo kabotu loko lino elyo Njo sola kufwambaana mbuli Mbwe konzya. Ndi—Ndi yanda... Amuswiilile kabotu ku teepu. Lino, kufumbwa muntu wakasola kubala makani aa mbungano, ulizi kuti ciindi citaanzi eco Bunakristo nibwa kasola kuba kabunga, yakali mbungano ya Katolika yaba Roma. Lino, ikuti na kuli ziindi zili zyoonse kakutanaba eco, Ndi yanda muntu umwi kuleta makani aakale a kundi tondezya. Ndili mulongwe wamunsi wa Paulo Boyd, basimakani aakale manji. Nda njila mu busena bwangu bwaku balila kuya, *The Post Nicene Council, The Nicene Council, The Nicene Fathers*, oonse malembo asetekene aa mbungano, ayo Nge ndizi. Myaka iili makumi otatwe ayotatwe Nda kabalangalanga, kaba langalanga. Kwakanyina kabunga. I mbungano ya Katolika ngu bweendelezi bwa kabunga. Tu lizi kuti obo mbwini. Taakwe mbungano niyakaba kabunga, yaka jisi kabungwe, kusikila mbungano ya Katolika. Elyo bbala *katolika* lyaamba “boonse munyika.” Elyo baka panga bukombi bwa mbungano ibwa cisi, a kucibamba kweendelezya bulelo boonse bwa Rome, elyo caka jisi kutandila i—i cibeela cibotu loko ca nyika cakazunda ku ciindi eco. Ya kali mbungano ya cisi, a baabo batakali kuno swiilila yaka bikkwa ku lufu. I Kkansa yaku Nicaea, mazuba aali kkumi aosanwe aa nkondo iizwide bulowa, cindi basinsimi beni ba Leza, cindi noba kaima awo aali baabo... .

168 I mbungano ya Katolika, baa yakatalika lutaanzi, baa, toonse tuli cizi, Nda kaiyiisya awa. Obo, kasimpe, Akula a Prisila wakali mweembeli, Akula wakali mweembezi wa—wa mbungano ya bana Roma. Cindi Muuya Uusalala niwakawa aa Pentekoste, Wa kawa aa ba Juda kuzwa ku cisi coonse cili kungsi aa julu. Pele mazuba masyoonto kwiinde ceeco, Petro waka jisi cilengaano atala lya ng’anda, kuya kutala kuli Koneliyo’, muna Roma, muntu uululeme, elyo wa kakomba nkabela Muuya Uusalala waka muwida. Kwiinde kaindi balemekwa bakatalika ku Ci tambula. Akula a Prisila baka njila mu—mu Rome nkabela

bakaba kabunga, na, kwiina naka bunganya, pele kubikka mu ncililano mbungano ntaanzi ya Roma. Elyo, cindi niba kacita, baka jisi babunyina a bacizi babo—babo.

<sup>169</sup> Elyo Claudius, mu bulelo bwakwe, wakatandwa ba Juda boonse kuzwa ku Rome. Elyo nce ciindi nciconya mbungano ya Katolika ya Roma ncoya kaamba kuti Petro wakali mu Rome. Amu nditondezwe Lugwalo lomwe awo Petro mpakasola kuba mu Rome, na kufumbwa makani aakale ayo aamba kuti mbwakabede. Ta kali obo, kweendelana ku Ijwi lya Leza, alimwi Nce ncico Nce syoma. Elyo mbobuti Petro mbwakali nookonzya, mu Juda, kusola ku bikka a mituni azintu ezyo nzoba jisi, zya kukomba mituni azintu? Nkokuli . . . Mwabona? Mbobuti mbwakanzya kulwana kuyiisya kwakwe mwini awa? Bufuba. Buyo cita eco kwiinda muna Protestanti mbwabede awalo. Amulindile, tuyo sika kuli ncico kwainda kaindi, akale, Mwami na wayanda. Amubone. Amubone lino, tu jana kuti ciindi nciconya mbungano yaamba kuti Petro wakali mu Rome, makani aakale alati oyo Claudius (elyo Bbaibbele lya kaamba akwalo) kalailila ba Juda boonse kuzwa mu Rome.

<sup>170</sup> Elyo Paulo wakainda mu Efeso a kusika ku nkomwe zyaatala okuya, wa kajana basikwiiya aba, elyo ngooyo wakali kutala kuyo swaaya Akula a Prisila. Niba kamana kuunka kwabo, mpawo bakwesu bana Roma mu mbungano eyi baka talika kupanga mizeezo yabo beni, alimwi baka yungizya mituni. Elyo mpawo muli Constantine, abo banyina bakali Munakristo wini a kulangila mulombe waka kuba, pele wa kali situnzenyu. Elyo wa kabona kuti bunji bwa Rome, na cibeela cipati ca njiyo, ca nkamu ya bacete, ya kazumina kale lufutuko kwiinda muli Kristo. Elyo mpawo ba katalika kusika basimpuwo maningi, nkaambo bakali kuselusya Venusi a kwaanzika Maria, a kuselusya Jupita a kwaanzika Petro, a zimwi zimbi mbuli eco a—a basikwiiya, alimwi bwakali bukombi bwampuwo maningi. Elyo bakali basintaze. Balo, balo Banakristo bakali kufwa!

<sup>171</sup> Elyo mbungano ya Katolika yakati, “Twa kali matalikilo.” Obo mbwini ncobeni, mbungano ya Katolika yaka talikila aa Buzuba bwa Pentekoste. Pele nceeci caka mugwisya: waa kaba kabungwe a kunjizya (kuzwa ku Ijwi) tuyaniza twabuzumini. Alimwi kayanza kabuzumini kapya loko, nobantu bainda myaka ili kkumi yakukomena mula konzya kukayeeya kayanza kabukombi kapya loko: bweendelezi bwa Maria, kutandila myaka iili kkumi yakainda. Kayanza kambi kabuzumini kakayungizigwa ku mbungano. Mucibaka ca Lugwalo, nkayanza kabuzumini! Elyo bayo mupa kumwisya ndyoonya lino, ba “takukwe makani eco Lugwalo nco lwaamba, nceeco mbungano nco yaamba.”

Balo, mupaizi oyo waka ndaambila, kati, “Leza uli mu mbungano Yakwe.”

Nda kati, “Leza uli mu Ijwi Lyakwe.”

172 Wa kati, “Ee, eelyo Bbaibbele makani buyo aakale aa mbungano ntaanzi ya Katolika.”

173 Nda kati, “Mpawo Ndili muna Katolika mutaanzi.” Nda kati, “Eco cindibamba kuba muna Katolika maningi kwiinda nduwe, kuba mupaizi.” Mwabona? Nda kati, “Ikuti na nce ncico, nkokuti Ndili boobo.” Nda kati, “Yebo wabona, Nda syoma ncobeni eco baapostolo ncoba kayiisya. Ula syoma eco muntu nca kanjizya muli ncico.” Elyo nje nzila ncobeni mbo cakaunka. Masimpe, mbo cakabede. Ca kaunka nzila eyo, mbubonya nzila eyo.

174 Lino amubone, makani aakale, mpawo ba katalika kuyungizya tuyanza twabuzumini, tunsiyansiya, elyo cindi Paulo naka boola, tu lizi, kweendelana ku makani aakale, cakuti taka swaya mbungano ntaanzi eyo, nkaambo ta kakonzya kuzunda bukombi bwamituni. Elyo wa kaswaaya mbungano yabili eyo njo bakayaka, mbungano yabili iya Rome.

175 Elyo cindi eyo Kkanso yaku Nicaea niya kasika, oko Constantine wakabona muzeezo waku kamantanya bwami bwakwe. I cintu nciconya Ahabu nca kacita kuli Jezebele, kukwatanya kumusanza okuya. Mwabona? Elyo cindi na kabona ciindi ceelede ca kukamantanya bantu bakwe a kupanga cisi cipati canguzu kuzwa kuli ncico, wa kayeeya kuti bakali kujana bukombi bwabo, aboobo wa kababamba kuba bakombi ba cisi. Elyo cindi niba kajisi eyo Kkanso yaku Nicaea, a mibuzyo eyi yaka boola naa kwakali Leza omwe, na botatwe; naa beelede kubapatizya mu Zina Iya Jesu Kristo, na Taata, Mwana a Muuya Uusalala; yoonse eyi mibuzyo imbi yaletwa ku—ku kazekelo omuya. Elyo, cindi ni cakacita, bamwi babo basinsimi bakaindi bakasika okuya kaba tajisi cintu cita zikutu zyambebele kaziba vumbide, a kulya zya maani. Mbubo! Pele balo bantu bapati baka beleka kale nzila yabo mu mbungano, kaba jalila a busongo bwanyika. Pele baka jisi MBUBOBU MBWAAMBA I MWAMI. Waa kaunka mu mudima wabuhedeni kutandila myaka ili cuulu.

176 Pele waa pasuka alubo, ku kusonsa. Mbo mbubo. To konzyi ku Ci jaya. “Njo boozezya, mbwaamba Mwami, myaka yoonse ezi zintu nziba kalya.”

177 Twalo tubungwe twa kayungizigwa kayanza kabuzumini. Elyo kucita ceeci, ku yungizya kayanza kabuzumini, nzila ilikke eyo mbungano imwi, nzila biyo kabungwe kali koonse nkokonzya kusola kuzwa ku Ijwi Iya Leza, nku yungizya kayanza kabuzumini mubusena bwa Magwalo asetekene, nku sola kubamba kansiyansiya kanu na njiisyo ya mbungano yanu, nekubakuti iliimpene ku Magwalo. Mpawo mbobuti mbo konzya kupa mulandu ku mbungano ya Katolika, kakuli ucita cintu nciconya ncoba kacita? Sena mula mvwisya? Ncibotu. Cindi, lino amuyeeye buyo, Magwalo taakonzyi kukakilwa!

Tuyanza twabuzumini mbubeji, ku kutalika. Elyo cindi wa tambula kabungwe, ujisi kale kayanza kabuzumini, nkaambo ncintucimwi caka yungizigwa. Ta luli mu Lugwalo. Ta luli mu Lugwalo.

<sup>178</sup> Kwiina cintu cili boobo mbuli kabunga. Jesu taakwe nakati, “Nda kakulailila kuunka mu inyika yoonse, kupanga kabunga.” Peepe, munene, taakwe cintu cili boobo! Kucita ceeci, nkukaka Magwalo aasetekene. Cindi eci nicaka citwa, caka cincwa kuzwa ku “Mbungano kwiinda kukuzyalwa” ku “mbungano kwiinda ku kayanza kabuzumini a buzumini bwabukombi.” Kutali *mbungano*, andi lilekelele; cisangabalilo! Ula zyalwa mu Mbungano, pele usangana cisangabalilo. Taili mbungano ya Baptisti, mbungano ya Methodist, mbungano ya Pentekoste. Calo ncisangabalilo ca Baptisti, cisangabalilo ca Pentekoste, a cisangabalilo ca Methodist, mula zisangana. To konzyi kusangana Mbungano. Takukwe cintu cili boobo. Wa kazyalilwa muli Njiyo. Nikodemo wa kaambilwa obo. Aboobo mwabona awo mpo bede? Oh, ma!

<sup>179</sup> Ako nkekaambo Nce ci lwana. Kutali kulwana bantu muli ncico; cianza eco Nce lwana. Nkaambo taba konzyi. . . Umwi wa baalu na cintucimwi cimbi, imwi ya mabungano ayo kambauka cintucimwi eco cili mu Bbaibbele eco ciimpene ku njiisyo eyo, obo bulembo bwa twaambo ntoba jisi mu mbungano eyo, ula tandwa nconzyo mbuli obo. Iyi, munene. Bamwi babo mbabi loko cakuti taba kakonzyi akwalo kulekela lubukulusyo kuboola ku mbungano imbi citakuti waba umwi wa baalumi babo beni. Baa, bali boobo. . .

<sup>180</sup> Muntuumwi ciindi cimwi wakali kuyopa mukambausi. . . Moonya muno mu cisi eci, mukambausi muniini wakaindi kaimvwi kunselelo awa mu kagwagwa, kalila a kulombelela kweempwa, a kwaamba, “Boola, tambula Kristo, kuzuzigwa a Muuya Uusalala,” a zintu mbuli ezyo. Elyo muntu umwi kuzwa mu kabunga ka Pentekoste kaboola a kupa muntu dollar mu maanza akwe, elyo wakacita kweempwa nkaambo wa kacita bumambe ku mbungano yakwe. Amwaambaule zya Katolika! Mbo mbubo. Elyo mulizi awo Mpe kanana, ambebo; na mbungano eyi ilacita, nekuba. Yaa.

<sup>181</sup> Kocita eci, ku kaka Magwalo, cindi eci nicaka citwa, cila cincwa mpawo cindi wayungizya kayanza kabuzumini akusangana kabunga, wa zumina kayanza kako kataanzi kabuzumini mubwini, nkaambo tacili ca Lugwalo, aboobo ncintucimwi caka yungizigwa. Elyo kayanza kabuzumini ncintu cimwi ciyungizigwa, “kubweza busena bwa,” cili mu busena bwa kuzyalwa. Cindi wa tambula kabungwe, wa kayungizya kayanza kabuzumini. Yaa. Cindi eci cacitwa, mpawo cacincwa kuzwa ku “Mbungano kwiinda ku kuzyalwa” ku “cisangabalilo kwiinda ku kayanza kabuzumini na kayanza kabuzumini.”

Nkambo, mwabona, nkayanza kabuzumini muli nkako, kutali Camalembe.

<sup>182</sup> Lino, Jesu taakwe nakati, “Kamuya mu inyika yoonse a kupanga tubungwe, kamuya muka bunganya bantu antoomwe.” Wa kati, “Kamuya mukapange basikwiya.” Mula cisyoma na? [Mbunga yaamba “Ameni.”—Mul.] Ameni. Aboobo, nywebo mwabona, muli zwide koonse.

<sup>183</sup> Amuswiilile, amulangilile awa. Atu jale aa cintucimwi cimbi awa, kweenzya cintucimwi canguzu loko ku ciindi eci. Mbangaye bajisi lekisikkoni ya Cigriki, *The Emphatic Diaglott* kuzwa ku malembo akaindi, Cigriki? Yaa. Amu cibale, amujane kufumbwa sicikolo mupati ngo muyanda. Amunjile mu laibrari a kujana lekisikkoni, lekisikkoni ya Cigriki. Amubale Ciyubunuzyo 17, elyo cindi mwabala awo, King James Version awa waamba kuti, a ceeci, “Wa kandi tola mu Muuya; elyo Nda kabona mwanakazi kakkede aa munyama usamide uusalalapyu, kazwide zya—zya mazina aa kusanka.” Lino, obo King James mbwa kaamba. Pele bupanduluzi butaanzi bwakati:

. . .kandi tola mu muuya . . . elyo Nda kabona  
mwanakazi . . . kazwide mazina a kusanka, . . .

<sup>184</sup> Kuli lwandaano lunji akati “mazina aa kusanka” a “mazina a kusanka.” Lino amulangilile. Toonse tula mvwisya a kuziba kuti eyo yakali mbungano ya Roma kaikkede aa zilundu zili ciloba, kweendelezya inguzu zya inyika. Elyo waa kaitwa kuti “sikuvuula,” alimwi waa kali “banyina wa basibwaamu.” Inzi? Niinzi sibwaamu? Sa inga waba mwaalumi? We elede kuba mwanakazi. Aboobo ikuti na mwanakazi, yeelede kuba mbungano; waa kali banyina wa basibwaamu, mbubonya mbwa kabede. Elyo amulange, amulangilile, “Muli nguwe!” Aci mvwisye. “Muli nguwe mwakali mazina abusanke.” Ino ncinzi? Lino, bakutausi awa a ku teepu, atu jatilile lumuno lwanu. Ino mazina nzi ayo abusanka? Methodisti, Baptisti, Presbyteria, Lutherani, ba Pentekoste, azimwi zimbi. Mazina abusanke, nkaambo tubunga, ciimo ca buvuule kuli Leza, mbuli buyo mbwa kabede.

<sup>185</sup> Elyo balo, mu nkamu ezyo, bantu balati, “Baa, muna Methodisti, a kucita eci. Ngu Pentekoste, alimwi ulacita eci.” Muna Presbyteria, alimwi ulacita eci.” Bala cita zintu zyoonse aa kkalenda, nywebo mulizi eco. Elyo ino ncinzi? Alo mazina aelede kuba mbuli Kristo a kwitwa ku zina lya Munakristo, nkabela alo mazina akusanka! Ta bali mabungano. Ba bala itwa cabubeji kuti “mbungano.” Balo nzisangabalilo! Lino mwabona kaambo Nce lwana kabunga? Kutali bantu, i ciyanza ca kabunga, mwabona, zina, mazina a kusanka (amulangilile) ku masangabalilo, ategwa mabungano aabubeji. Mbungano ya Methodisti, mbungano ya Baptisti, mbungano ya Presbyteria, mbungano ya Pentekoste, mbungano ya Lutherani, Mbungano

ya Bakwesu bakamantene, kwiina cintu cili boobo. Eco tacili calugwalo.

<sup>186</sup> Kuli biyo Mbungano yomwe, nkabela to konzyi ku Ci sangana. Wa kazyalwa muli Njiyo. Wa kakanzwa kuli Njiyo. I Mubili wabuyo wa Jesu Kristo. . . Mubili wamakani asisidwe, mubwini, wa Jesu Kristo ano aa nyika, a Ijwi kali yubululwa. Bana balombe abasimbi iba Leza, taba zulilwi kuli cimwi cazyo. “Amuzwe akati kabo,” Wa kaamba. Inzya.

<sup>187</sup> Amulangilile, cakufwambaana lino. Ta ndiyandi kumucitya kukatala, pele ikuti na mwandipa buyo maminiti ambi masyoonto lino, Njo unka cakufwambaana mbuli Mbwe konzya, pele Ndi yanda kuti mube masimpe kucimvwa, kutegwa muta kakilwi kucimvwa. Mwabona?

<sup>188</sup> Amuyeeye, Rome yeendelezya, yaka janwa muli njiyo, kazwide mazina a kusanka, banyina wa basibwaamu. Mpawo, ikuti na mbasibwaamu, niinzi sibwaamu? Niinzi sikuvuula? Cintu nciconya mbuli sikuvuula. Ngu mwanakazi oyo uupona cakutasyomeka ku cikonke cakwe ca lukwatano. Alimwi kufumbwa mbungano eyo iitaminina kuba Mbungano ya Kristo, alimwi ilakaka Ijwi lya Leza, ta syomeki ku cikonke cakwe ca lukwatano! Mpawo ula cita bumambi ku kuyungizya kayanza kabuzumini, buvuule a nyika a busongo bwakwe, mubusena bwa kutambula Kristo a nguzu zya bubuke Bwakwe kwiinda ku Muuya Uusalala. Alimwi ngo banyina wa basibwaamu abo bakacita cintu nciconya. Mupika ta wiiti nketula kuti “inambene mafuta,” nywebo mulizi; wabona, sikisi ya wani, a ili cisambomwe kuli cimbi. Bamwi bantu aba bakazuza antoomwe kaba fubaazya buyo Katolika, a kuzulilwa kuli cimwi ca cintu nciconya lwabo. Waa kali banyina wa lubbizyo lwa bubeji mu maanzi. Ngo banyina wa citondezyo cabubeji ica Muuya Uusalala, alimwi mula tobela ncobeni antoomwe a nguwe. Lino atu bone.

<sup>189</sup> “Sa obo mbwini, Mukwesu Branham?” Ko umuna buyo kwakaindi kaniini.

<sup>190</sup> Mwabona, ngu nyina wa mazina akusanka, a zisangabalilo ezyo bantu nzyo bakasangana, a kuleta sampu, kupona kufumbwa nzila, kusama tubbudula, banakazi a masusu aageledwe, kaba pentedwe, kabaimba mu makkwaya, kufweba misanga yatombwe, kulya mulalilo, misyobo yonse ya busofwi bwa nyika, alimwi ncilebyo kuli sikutasyoma. Sena Timoteo takaamba kujatikizya ncico, Muuya Uusalala? Amulangilile. Mwabona, walo, Rome, ngu nyina wa boonse babo. Mwabona? Wa kacita ncobeni mu kabunga kako mbubonya buyo mbwa kacita, kunjizya tuyanza twabuzumini mucibaka ca Ijwi, nkaambo nkamu ya bantu kaibikka antoomwe, baalu a mabbishopo abamwi bambi bakati ca keelede kuba nzila *eyi*, alimwi nce ncico ncobeni caka citika ku Rome. Elyo usola ku,

mweembeli wangu mukwesu, kozumina Ijwi lya Leza lizwide, alimwi, langa oko nkoya kuunka, nkoonya kuzwa ku mulyango! Lino tula bona ikuti na Leza waka mwaambila kucita, na pe, mu maminiti masyoonto. Mwabona? Ncibotu.

<sup>191</sup> Mwabona, ngu nyina wa boonse, nkaambo wa kali mutaanzi kugusya malembe aa Lugwalo a kuyungizya kayanza kabuzumini, nkaambo waa kakaka basinsimi bananikidwe abo baka jisi buumi bwaka simpikizigwa, a Ijwi. Nkambo ka bupampu bwabo, muntu musongo, Bulelo bwaba Roma, a zimwi zimbi, abo bakatambula Bunakristo, pele yanda. . . kucitambula mu nzila yabo. Mwabona? Mbo mbubo. Bala ciyanda mu nzila yabo.

<sup>192</sup> Namaani wakali kuyanda kugwisya cinsenda cakwe mu maanzi aa cisi cakwe cini, ta kali kuyanda maanzi aa ntimba ya Jordano. Pele ikuti na wakasola kugwisya cinsenda cakwe, wa kacita kweenda okuya mu ntimba eyo mbubonya buyo mbuli musinsimi mbwa kamwaambila. Mwabona, Leza tajisi bulemu bwa muntu.

<sup>193</sup> Amubone, waa kali kabungwe kataanzi. Amulange bana bakwe basimbi, bakacita cintu nciconya, kayungizya tuyanza twabuzumini buzumini bwabukombi bwakayungizigwa a tuyanza twabuzumini mucibaka ca Ijwi. Uta ndaambili; nditondezye yomwe eyo iitazwi kuli Njiyo. Nditondezye mweembeli omwe uyo tambula Bwini, kuti taba kamutandili aali ncico, citakuti muli basimpuwo maningi cakuti, yebo ulizi, beelede kujatilila kuli nduwe nkambo ka mpuwo yako na cintu cimwi. Cili kabotu.

<sup>194</sup> Lino amulange ku Ciyubunuzyo 18, kwa maminiti buyo masyoonto, kampangano katobela, cipati citobela, kwazwa Ciyubunuzyo 17 nica kabbotola alimwi—alimwi caka tondezya makani aasisidwe aa oyu Muka Babuloni. I cipati 17 ca Ciyubunuzyo cilapandulula kuti walo ni mbungano iikkala a zilundu zili ciloba, Munzi wa Vatican, oyo weendelezya bami boonse ba nyika (mbombubo ncobeni eco ciluleme), a Baleli abalo, abamwi bambi. Uh-huh. Aboobo, pele mpali awo, kajatilide buvubi bwa inyika yakwe mu janza lyakwe. Obo mbombubo ncobeni. “Nguni uukonzya ku lwana a nguwe?” Mbo mbubo. Toonse tu lizi obo. Pele nkaambonzi nconga wazulilwa ku cintucimwi eco ciswaangene a nguwe? Lino amubone mu cipati ca 18, nciconya cipati citobela maseseke akwe nakapandululwa. “Ulikkede mu tempele lya Leza.” Lino, okuno, buzuba bumwi. . .

<sup>195</sup> Zella Braitman, sa nkoli sunumasiku, Zella? Waa kaleta, cili mu kaanda omuya lino, *Our Sunday Visitor*, mutende wa Katolika. Elyo mutende wa Katolika wakali kwiingula mukutausi. Kati, “Sena waamba kuti, mufundisi, oyo wakacita i. . . Mu nombolo zyaba Roma kutala lya Vatican, na atala lya

cuuno cabwami ca Poopu, kuli lembedwe kuti, ‘Vicarivs Filii Dei,’ eco nco caamba, kuti ci,” mu nkamu ya Katolika okuya, “kuti oyo i—i mweelwe wa cinyama ca Lunyonyooko lwa inyika na?”

<sup>196</sup> “Baa,” wa kati, “masimpe, mbo cibede. Cili mbubonya, kusipela kwa myaanda ili cisambomwe a makumi ali cisambomwe acisambomwe. Cili mbubonya.” Elyo nkamu yaba Roma yaka cizumina, eco nco ncoicita. Pele mboobu bwiinguzi bwabo, busongo, buzwide busongo, kati, “Pele, yebo ulizi, zina lyako mu musyobo umwi inga kali sipela cintu nciconya.”

<sup>197</sup> Oyu mwaalumi wakati, “Cangu, kutandila cintu nciconya mu musyobo umwi.” Wa ka cisipela. Kati, “Mwabona, Ndi tandila ku myaanda ili cisambomwe amakumi ali cisambomwe acisambomwe, ayalo.” Kati, “Kwakali myaanda ya mbabo.” Kati, “Ciindi conse cabuka cimwi cabuka, muntuumwi ujisi myaanda amakumi ali cisambomwe acisambomwe.” Elyo kati, “Mufundisi, sena ulizi mu mwaambo omwe zina lyako lini inga lya sipela sikulwanakristo?” Kati, “Nkaambonzi nco mulanga ku zintu zili boobo?” Amulange busongo.

<sup>198</sup> Pele Muuya Uusalala ulizi kabotu. Amulangilile. Inga kwaba, zina lyangu inga lya sipela kuba myaanda ili cisambomwe amakumi ali cisambomwe acisambomwe, pele Nse kkwansiyi zimwi zyelelo. Ta ndikkali aa cilundu. Ta ndaambi zintu ezi. Ta ndili mulangi, nywebo mwabona. Mbo mbubo. Oyo ngo nguwe Ngwali mukwaambaula. Aboobo busongo bwano bwanyika busika kuli cimwi, munene, mbo mbubo, mu Busyu bwa Muuya Uusalala. Nse swaani zimwi zyaco, pele ula cita. “Ulikkede mu tempele lya Leza, kalitondezya kuti ngu Leza, alimwi uli kkede aa zilundu zili ciloba.” Nse kkali aa zilundu zili ciloba, ikuti na cali sipela myaanda ili cisambomwe a makumi ali cisambomwe acisambomwe. Nse swaangani zimwi zyaco, pele ula cita. Mwabona, nceeco we. Mwabona? Aboobo kuyaamina buyo ku Muuya Uusalala, “Muta libiliki eco ncomuya kwaamba, nkaambo tamuli ndinywe mwaamba; ngu Taata.”

<sup>199</sup> Aboobo mbobuti busongo bwako a Kuzyalwa kwako kupya kuzwa Kujulu kusola kweezyanisya a zintu ezi awa aa nyika, aba—aba basimabibo bapati muli ncico? Baa, ba lizi mumpelenge a kkona lyonse. Mbobuti Musa mbwa kakonzya kwiima cindi na katobela Milao ya Leza, ku sowela ansi kasamu kakwe nkabela kakasanduka kuba nzoka, elyo mpaawa kwaka boola basimabibo kutala a kucita cintu nciconya? Pele Musa wakaima nji, kazi kuti waka tobela Ijwi lya Leza, nkabela nzoka yakwe yakalya zimwi zimbi. Mwabona? Aboobo cindi wa swiilila a kujana. . . Ino inga wacita nzi cindi naka basololela ku nyika ya cisyomezyo, elyo mpaawo kwakali Lwizi Lusallala lwaka



bombokela mukati, pele kazila ka Leza kakainda moonya muli nkako. Amen. Kati, “Koima nji, a kubona Bulemu bwa Leza!”

<sup>200</sup> Cindi canooli mu kazila ka bulizi, ka kutobela Ijwi, kaimikila alya a kuli langilila kali juka. Amen. Ndili myaka iili makumi osanwe ayotatwe yakukomena, kakali ku Mu belekela kutandila myaka iili makumi otatwe ayotatwe, ni Nda kajisi myaka iili mamilioni aali kkumi yaku Mu belekela. Nsena Mu bwene kukakilwa pe, cindi Ijwi Lyakwe lya bambwa. Mbo mbubo.

<sup>201</sup> Lino amulange, mpoonya buyo kwiinde cibi cakwe, maseseke akwe aka bbutusigwa. Twa kali jisi eco ciindi cilamfu cakainda, tuli cizi.

<sup>202</sup> Lino cipati citobela, amulange ku Ciyubunuzyo 18. Akube kuti Ndi jule buyo aniini. Inga caba cintu cibotu, ta cika tubwezi pele maminiti buyo masyoonto ambi, alimwi inga caamba cintucimwi ciniini kuli nduwe. Nda syoma cila cita.

<sup>203</sup> Lino tula bona awa, mu cipati 17, kampango ka 5:

..aa nkumu yakwe kwakali zina lilembedwe,  
**MAKANI AASISIDWE, BABULONI I MUPATI, I  
 BANYINA WA BASIBWAAMU, I CISESEMYO CA  
 NYIKA.**

Elyo amulangilile.

*Elyo Nda kabona mwanakazi (mbungano) kakoledwe  
 bulowa bwa basalali, a bulowa bwa baabo bakajaigwa  
 nkambo ka lusyomo lwabo lwa Jesu...cindi Ne  
 kamubona, Nda kagambwa a lugambo lupati.*

<sup>204</sup> Mwabona, kumubona, waa kali cintu cibotu boobu. Elyo waa kali banyina wa basibwaamu, bukombi bwabwaamu, tubungwe, mbubonya eco ncakacita, mwabona, nkaambo baka njizya tuyanza twabuzumini mbuli mbwa kacita. Lino amulange, amulange ku Ciyubunuzyo lino, eco nchipati ca 17, cigolela kampango ka 18. Lino amulangilile.

..kumane zintu ezi (makani akwe aasisidwe  
 nakamana kuzibwa), kumane zintu ezi Nda kabona  
 angelo umbi kaseluka kuzwa ku julu, kajisi nguzu  
 zipati;...

<sup>205</sup> Lino, mpaawa kwasika mutumwa umbi ansi, chipati citobela, maseseke akwe akazibwa. Lino, oku nkuzibwa kwa maseseke akwe a maseseke abana bakwe. Mwabona, tula mvwisya lino cigaminina caka mubamba kuba sibwaamu: nkaambo waa kacita mamambi kulwana Ijwi lya Leza. Elyo nce ncico caka mubamba kabunga. Ta kakonzya kukkala mbungano ya Bbaibbele a kuzumina ceeco. Elyo nanka kabunga kali koonse ako taka konzyi kubweza Ijwi lyoonse lya Ndilyo (nzila mbo Li lembedwe) kusola kuba mbungano ya Bbaibbele. Elyo kwiina wabo mu nzila eyo, oyo ngo Ndi zyi kujatikizya cintu cili coonse,

kwiina umwi. Aboobo okuya, mwabona, mbwa katalisya buyo kabunga, cintu nca cita, (kobilo ku Lugwalo a ku bumboni) ula fwa mpoonya alya, ula tambula kayanza kabuzumini. Lino amulange, lino eco nce cakacitika.

<sup>206</sup> Leza wakatuma, mu cipati eci ca 18, angelo singuzu, kumane kuti maseseke akazibwa, angelo singuzu, na, mutumwa. Amulange awa.

*...kumane zintu ezi Nda kabona angelo umbi kaseluka kuzwa ku julu, a nguzu zipati; elyo nyika yakamwesegwa ku bulemu bwakwe.*

*Elyo wa koompolola...a jwi pati,...Babuloni (lupyopyongano) mupati uli mukuwa,...elyo caba cikkalilo ca madaimona,...acitente ca muyuni onse mubi, a ciyobwedo ca boonse basalala a basesemya... bayuni basofweede a batasalali.*

*Elyo masi oonse aka nywa waini wa bukali bwa bwaamu bwakwe, elyo bami ba nyika...kacita bwaamu a nguwe, alimwi basambazi ba nyika ba indila kukupuka mukwula kwa tongo lyakwe.*

<sup>207</sup> Amulange, mpoonya biyo kumane makani akwe aasisidwe aka yubununwa, walo mbwa kabede, obo mbwa kabede, obo bana bakwe basimbi mbo bakabede, makani aasisidwe ayubununwa, mpawo Leza wakatuma angelo, mutumwa ku (inzi?) kwiita kuzwa, “Amuzwe!” I Mulumbe wa oora!

*...Kamuzwa muli nguwe, bantu bangu, kuti mutabi basizyaabilo ba zipenzyo zyakwe... .*

Uyo musinganya. Amulangilile.

<sup>208</sup> Kamuzwa muli nguwe! Leza wakatuma angelo singuzu, na, mutumwa. Elyo Mumuni wakwe tii wakali mu kkona, Wa kamwaika koonse ku nyika. Kozwa muli nguwe! Inzi? Walo, a bacizi bakwe, abalo. Kumwesya nyika, a kwiita bantu Bakwe kuzwa kuli nguwe. Lino, nywebo mulizi kuti obo Mbwini. Ii mutumwa wakatuma kuzwa ku Julu, kuyo ita bantu ba Leza kuzwa mu Babuloni. Elyo Mumuni wakwe wakamwesya nyika, Muuya Uusalala mulemu.

<sup>209</sup> Amubone, Bbaibbele lyakati, “Walo nciyobwedo, alimwi wa jata bayuni, basofweede basesemya.” Kutali basikwaze, lino, peepe, peepe, peepe, peepe. Makubi, “bayuni, basofweede basesemya,” eco cakali jatila mu ciyobwedo koonse kuli nguwe. Walo nciyobwedo cizwide mbabo, ciyobwedo conse cizwide. Ku nzi? “Mazina a kusanka,” aimpene ku Lugwalo. Timoteo Wabili 3 wakati, Muuya Uusalala kaukanana, “Ku mazuba akumamanino bayo zwa ku Lusyomo a kupakamana ku myuuya ya lweeno.” Lya kaamba akwalo kuti, Muuya Uusalala wa kaamba: “Kuti ku mazuba aa mamanino bayooba basikainya, basikulisumpula.” Basulaika: “Lelekwe Leza, uzulilwa kuli

ndiswe, nape to jisi zina lyako mu bbuku lyesu, uli sweekede.” Hmm. Basesemya! Basofweede! Hmm. Nda syoma Nse cisisyi, Nda syoma Ndi cita kabotu. Bayuni, basesemya batasalali, waa kababikka mu ciyobwedo.

<sup>210</sup> Amuyeeye, Leza ngu Sikwaze. Wa kaliita Mwini kuba Sikwaze. Elyo Wa kaita Jakobo kuti sikwaze. Elyo tuli tusikwaze Twakwe. Ameni. Wa kaita basinsimi Bakwe kuti “basikwaze.” Elyo oyu angelo wakaseluka kuzo yutululwa a kwiita kuzwa!

<sup>211</sup> Mbuli mulumbe wangu muniini aali *I Sikwaze Kazapaula Citeente Cakwe*. Oyo sikwaze muniini wakaindi wakali kutobela nkuku nseke eyo yakaindi koonse mu lubuwa lwa mpulazi ciindi coonse, ka kalila koonse, pele ta kakonzya kulya zintu ezyo nzya kajisi, zya bukkale, banakazi bakali penta kumeso, masusu akagelwa, a zibbudula. Ta kakonzya kucita ceeco. Pele ta kazi cintu cimbi pele klaki ya nkukunseke eyo yakale. Pele buzuba bumwi sikwaze mutumbu waka mujana. Waa kakwiila, ku mwiita kuzwa, kati, “Mulombe, toli umwi wabo. Kozwa muli nguwe!”

Kati, “Baama, ino inga Nda citanzi?”

<sup>212</sup> Kati, “Babamuna mababa anu a kutalika.” I kusotoka kutaanzi, wa kauma aa cikwankwani, mpoonya akati ka kabunga. Kati, “Mulombe, uyo elela kuboola atala maningi kwiinda awo nape Nse konzyi ku kujata. Weelede kuulusya matende ako kuzwa ansi.” Uyo mutola ku kuuluka. Wa kajana kuti wakali kukonzya kuuluka. Waa kaboola kumwiita kuzwa. Mbo mbubo.

<sup>213</sup> Pele oyu Nyina Babuloni wakaca cikama ca nkuku mwini, tukuku tucenjede, kupenta, masusu ageledwe, kabaliita lwabo kuti “Banakristo.” Walo ujisi cizangala ca mbabo. Nywebo no bakambausi abo baimvwi mu cikambaukilo a kubalekela banakazi kuta subulwa kuli ceeco, mause kuli nduwe, ku kubamba zyakabungwe kako kuvula. Leza uyo ciyanda eco ca janza lyako. Kozwa muli ncico! “Mbelele Zyangu zilamvwa Jwi Lyangu.” Ii ciyobwedo ca basesemya, basikainya, basikulisumpula, basikuyanda misaalo kwiinda basikuyanda Leza, inga ndasala kuba mbuli nyika kwiinda kuba mbuli Kristo. Cindi wabona mwanakazi kajisi kulipanga kunji, citondezya kuti taakwe nca jisi mukati. Walo ngwa bubeji mukati. Mbo mbubo ncobeni. Ikuti na mwanakazi...Nda kabona bumwi buzuba bumwi, a masusu a griini, mbo mbubo, a zintu zyoonse zya girini omuya mu meso abo.

<sup>214</sup> Lino, ikuti na to—ikuti—ikuti na to kajisi masusu ali oonse, alimwi—alimwi wali kuyanda kusama masusu amwi, inga caba kabotu, pele, kusama umwi oyo wakali kuboneka mbuli muntunsi. Alimwi ikuti na to jisi maala aku tunwe, alimwi—alimwi wakali kuyanda kujana maala aku tunwe, uta jani mbuli zikwa kuzwa ku bunyangu butuba, jana—jana maala

eni aku tunwe. Ikuti na tojisi cimwi ca zintu ezi, cili kabotu. Ikuti na tojisi meno ali oonse, ku kujanina amwi ikuti na bakubamba kubila amwi, kwaa jana. Pele utu gusyi meno ako akapegwa a Leza nkaambo kakuti ali pilingene aniini, nkabela alo meno mabotu, ku kujana amwi. Uta penti masusu aako, na cintucimwi, akulibonya mbuli cintucimwi eco cizwa ku ntimba imwi. Uta. . . Ikuti na tojisi atakwe mubala, alimwi uyanda kulibamba kuboneka mbuli kuti ujisi mubala umwi, cili kabotu, Nda yeeyela. Pele mutali bambi kuboneka mbuli Jezebele, mbuli butala ku busenabumwi kabupentedwe.

<sup>215</sup> Elyo nywebo no bakwesu ba Pentekoste, ku balekela banakazi kugela masusu abo, kakuli Bbaibbele lya kaamba kuti obo mbulemu bwakwe! Alimwi akwalo ta cilangilwi kuli nguwe kupaila amasusu akwe mbuli obo. Elyo nekubaboobo aboole ku cikambaukilo a kukambauka Makanimabotu, kwiimba mu kkwaya, kuyiisya kwiya kwa Munsondo. Mause kuli nduwe! We elede kuusa nsoni lwako. Nkaambonzi nce Ndi lwana kabunga? Muyeeya kuti inga Nda sola koongelezya ku cintu cimwi mbuli eco? Ndi lizi kaambo nco cicitila, mukwesu. Nywebo mulizi kabotu, pele ikuti na wa yiisya kulwana ceeco, uyo tolwa mu masena aendeleya, nkabela bayo kutanda. Longezya Leza ku camba cako ikuti na uyo cicitila. Mbo mbubo. Leza uyo kulemya.

<sup>216</sup> Ino oyu angelo wakaamba nzi? “Amuzwe muli nguwe!” Iiyi, munene. Oyu angelo wakasika ku nyika, elyo wa kaboola kuleta Mumuni, elyo wa kamwesya Mumuni ku inyika yoonse. Wa kali angelo singuzu. Elyo wa kaboola kwaambilizya Mulumbe wa “Amuzwe mu Babuloni! Muta gumi zintu zyakwe zitasalali!”

<sup>217</sup> Kajisi cizangala coonse cizwide ca nzizyo. Kati, “Ngo cizangala ca bayuni boonse basofweede.” Inzya, ujisi cizangala cizwide ca nzizyo lino, Nkamu Yanyika ya Mabungano, na zisangabalilo. Walo ujisi cikama conse cibikkidwe mu cizangala eno, bonse baboola antoomwe. Waa kaba cizangala, yaa, kazwide bayuni basofweede. Mbo mbubo. Kusola kwaambaula kuli umwi wabo ciindi cimwi, ku cisola buyo, mulombe, musongo mu busongo bwa nyika, pele tabazi buyo Leza kwiinda kasulwe mbo kacita kujatikizya mabbusu aa caanda. Mbo mbubo. Buyo, nce nco buyo, mwabona, koonse buyo nko bazi mbusongo bumwi nkoba konzya kubikka *ceeci* a kucita *ceeco* omuya. Pele cindi caboola ku Mu ziba? Huh! Inzya, kajata mu cizangala cakwe a tuyaniza twakwe twa buzumini. I mabungano aa protestanti akatalika mbubonya, akaba bana bakwe basimbi, akucitya eci kwiinda ku kukaka Ijwi lya Leza. Eco nca cita. Ula kaka Ijwi. Elyo cindi watambula cintucimwi cimbi mucibaka ca Ijwi, ula Li kaka lwako. Alimwi cindi wasangana muli kamwi ka ntuto, wali kaka Ijwi alyalo. Leza tayandi ndinywe mu nzila eyo, taakwe busena bwa ndulo ku Lugwalo.

<sup>218</sup> Amubone, oyu ngu angelo wa Mumuni, amuyeeye, angelo wamamanino, ngu angelo mu bukkalo bwa mbungano ku

Laodikeya. Walo mutumwa wa Laodikeya, kuti, calo nca mamanino, nkaambo nciconya cipati citobela ngu cipati 19, uuli ngu Nabwiinga uboola. Elyo eci ngu, mu Lugwalo, angelo wamamanino oyo wakasika kuleta Mumuni kakutanaba kuboola kwa Nabwiinga kuunka kuyo swaana Kristo. Bwakali Bukkalo bwa Mbungano ya Laodikeya, mpawo. Ino wakali ni mutumwa wa Mbungano ya Laodikeya? Kubaita kuzwa mu Babuloni! Amulange! Mabungano akajatwa mu cizangala cakwe a nguwe, a tuyanza twakwe twabuzumini, kukaka Ijwi a kuzumina kayanza kabuzumini. Oyu ngu angelo wa Mumuni ku mbungano ya Laodikeya abo baakaka Kristo a Ijwi Lyakwe, ku kayanza kabuzumini, alimwi baka Mu bikka aanze. Elyo Wa kaima ku mulyango, kakonkomona, kusola kunjila. [Mukwesu Branham wakonkomona aa cikambaukilo—Mul.] Mwabona? I bukkalo bwa mbungano bwaka kaka Kristo, alimwi Kristo ndi Ijwi, alimwi baka Li kaka, alimwi Wa kali aanze. I bukkalo bwa mbungano bulikke obo mbo tujisi bwa Kristo aanze, kakonkomona, kusola kunjila. [Mukwesu Branham wakonkomona aa cikambaukilo.] Elyo oyu Mulumbe wa angelo, mutumwa wakazwa kuli Leza, wakali kugwama Mulumbe wakwe aa nyika, ku “Amuzwe mu Babuloni! Amuzwe mu tubunga!” I Muuya Uusalala sunu, kutondezegwa kwa Muuya Uusalala ngooyo angelo uusola kuleta bantu kujoka ku Ijwi, nkaambo Muuya Uusalala uyo simpikizya buyo Ijwi. Ta konzyi kusimpikizya tuyanza twabuzumini, kunyina buumi muli nzizyo. Ngu Buumi. Amubone, Bukkalo bwa Mbungano ya Laodikeya yaka Mu kaka, baka Mu kaka, nkabela baka Mu bikka aanze.

<sup>219</sup> Amubone, oyu angelo mutumwa wamamanino kakutanaba kuboola kwa Kristo mu cipati 19 ica Ciyubunuzyo. I Jwi lya mutumwa! Ikuti na twa langisya, cindi nakapa Jwi lyakwe aa nyika, kwa kali Jwi lyaka jokolola alubo ku Julu, kampango ka 4, ikuti na muyanda kukabala, yaa, kampango ka 4, cipati 19. Oyu mutumwa aa nyika wakali yeeme loko a Leza kusikila, cindi naka caamba aa nyika, Leza wakagwisya cintu nciconya kuzwa ku Julu. Ino ncinzi eco busanduluzi bwa kampango ka 4? Ino caamba nzi? Jwi lya Leza kali kanana ku bantu Bakwe bakakanzwa, kaliti, “Amuzwe muli nguwe!” Mbubonya buyo Jwi mbo lya kabede! Uli jisi bantu boonse omuya, boonse bazwa mu Babuloni. “Amuzwe muli nguwe, kuti mutabi basizyaabilo ba zibi zyakwe,” iyyi, munene, kuzwa ku kayanza kabukombi ako a tuyanza twabuzumini, ku Ijwi lya kabamba Muuya a Buumi. Ameni.

<sup>220</sup> Amubone, cipati 19 calo citobela, “Kumane zintu ezi.” Sena mwakabona awa mu cipati 19, “Nikwakamana zintu ezi?” Mulangilile nzi? Kwainda nzi? Kwainda Mulumbe wakuti “Amuzwe muli nguwe!” “Nikwakamana zintu ezi,” amulangilile, “kwalo nkoongolola kwa basalali ba Nabwiinga,

a Sibwiinga, kuunka ku Lukwatano lwa Kabelele.” Ino tuli munsu buti kai, mukwesu? Ino kwiitwa kwa mamanino ninzi? “Amuzwe mu Babuloni!”

<sup>221</sup> Lino, bakwesu bangu, ako nkekaambo Nce kalwana. Takali kamalembe. Takali mu mulao. Ca katondezegwa kuba bubeji. Leza tali muli ncico, Ta kali obo, Ta kabi. Lino, Ta ndaambi kuti kwiina bantu mu tubunga otu, awo mpempawo mbungano mpoya ka pangwa. Pele, kufumbwa kuti wakkala mu ciyanza eco, uli cibeela ca ncico.

<sup>222</sup> Ikuti na Nda kkala mu United States, Ndili muna America. Kufumbwa kuti Nkeli sicisi na cizo ca United States eyi, Ndili cibeela ca njiyo. Ikuti na Nda unka ku Germany a kukaka bumembala bwangu okuno, na busicisi bwangu, Nda gusya busicisi mu Germany, Nse cili muna America, Ndili muna German. Elyo ikuti na Nda unka ku Japan, na kufumbwa, Russia, Nda ba sicisi okuya.

<sup>223</sup> Elyo cindi wasangana sicisi. . .ciyanza, a kuba sicisi wa ciyanza eco, uli mukutondezya obo mbobede. Elyo mu mazuba aya aakumamanino, Leza wiita bantu kuzwa kuli ncico. I Bbaibbele lya kaamba boobo, “Amuzwe muli nguwe, kuti mutabi basizyaabilo a nguwe, nkabela Njo mutambula. Muta gumi zintu zyakwe zitasalali, mwabona, elyo Ndiyo mutambula. Elyo uyooba bana balombe abasimbi kuli Ndime, nkabela Njo oba Leza kuli ndinywe.” Mwabona?

<sup>224</sup> Ako nke kaambo Nce kakanana kulwana mbungano, i—i cisangabalilo. Nse konzyi ku ciita kuti mbungano. Kuli biyo Mbungano yomwe, eyo ni Mbungano ya Mubili wa Kristo. Pele ezi zisangabalilo zitegwa “mbungano,” Bbaibbele lyangu lindaambila kuti mazina a kusanka, tonse twalo, tubunga toonse. Ino basanka nzi? *Kusanka* kwalo “nkwiimpana,” na, “kusampaula.” Cindi Leza aamba, “Amuboole mu zyalwe,” nkabela ba lati, “Amuboole musangane.” Mwabona? Cindi lubbizyo lwa Muuya lwa keendelezegwa cabubeji kuba kaofa mu mbungano ya Katolika, kusukana maanza mu mbungano ya Protestanti, a kulimvwa mu mbungano ya Pentekoste, mubusena bwa Muntu Kristo kanjila a buyake obo boonse bwa piramidi mbo twa kajisi buzuba bumwi.

<sup>225</sup> “Amuyungizye ku lusyomo lwanu, bubotu,” a zimwi zimbi, zyoonse ezi muli Petro Mutaanzi, 1 . . .Petro Wabili, Nda syoma, cipati 1, awo coonse mpo ciyungizigwa ku lusyomo lwako, zintu ezi zyoonse, kulemekaleza, a kunjoloma, a busalali, a zintu zyoonse, elyo mpawo mwa kaandwa a Muuya Uusalala.

<sup>226</sup> Pele cili buyo mbuli muntuumwi ba. . .bantu bataminina kuba a ceci cindi noba ta jisi, nkaambo baka yiisigwa cabubeji. I bana Methodisti baka jana kulimvwa kweenzu, kwakali ku, a kuzunganya kuniini, na—na kuzyana mu Muuya. Iba Pentekoste baamba a myaambo, na—na kucita cintucimwi

cakulimvwa. Nda syoma zintu ezyo, masimpe, pele zintu ezyo kakutakwe baaba bamwi tazili zibotu.

<sup>227</sup> Mbuli Mbwe kaamba buzuba bumwi, cili mbuli piikkoko. . . na muyuni uusiya kasola kulisamika mapepe a piikkoko, na kkubi kusola kubesesya mapepe aa nziba. Taakwe naka komena awo, wa ka batontela muli lwakwe. Bali syangidwe, bali kabungwe. Pele cindi Leza abikka cintu cili coonse omuya, nca kunyama. Uli bamba lwako kwaamba, “Nda kasangana mbungano masiku ainda. Nse konzyi kuunka limbi, Nse konzyi kunywa limbi, Nse konzyi kucita *ceeci*. Nda kasangana mbungano.” Mwabona, usola kubikka mapepe aa piikkoko mu mutunta wako wa kkumi. Mbo mbubo. Mwabona? Mwabona? We elede kuzyalululwa! We elede kutambula Kristo. Elyo cindi wa tambula Kristo, to konzyi kutambula Kristo kakutakwe kutambula Ijwi Lyakwe, nkaambo Walo ndi Ijwi. Elyo cindi wano jisi ciwa cabukombi, a kukaka Ceeco, mpawo Nda libuzya. Mwabona? Elyo inga kocizululwa ku kabunga koonse nkoyanda a kuba a ciwa cabukombi, elyo nekubaboobo to Ci jisi.

<sup>228</sup> Lino, mpaawo we, beenzuma. Nceeco cintu coonse. Leza aku longezeye. Leza amu gwasye. Ta ndaambi eci kuba candeene. Nda lipandulula lwangu. Obu mukuba buzuba bwa cipangano cakuleka lumamba, Nse kosaina cizuminano ca lumuno andinywe nobakutausi, pee, Ndi yeeya kuti weelede kuboola kundi saina; kutali a ndime, pele a Leza, Ijwi. Mbo mbubo. Mbo mbubo. Kwaamba eco Bbaibbele nco lyaamba, ku Lya amba nzila Mbo Lya amba. Nkaambo Bbaibbele lyakati, “Wao uyo gusya na kuyungizya kuli ndilyo.” Elyo nywebo mwabona, kabunga takali kamalembe, alimwi cindi watambula kayanza kataanzi kabuzumini inga akwalo weenda lweendo loonse kujoka, nkaambo kakuti uzabuka munkali mpoonya awo. Cindi wa jokela ku kuzyalulwa kupya, mpawo uyo enda mu Lugwalo.

<sup>229</sup> Elyo ula njila mu kabungwe, ba lati, “Ndi lizi, ta tusyomi muli *Ceeci*. Mabbishopo esu mu mbungano yesu tuyiisya kuti tuli imwi ya mabungano aakaindi. Ta tuyiisi. . .” Ta ndikwe makani eco ncoba ta yiisi. Ikuti na Bbaibbele lila ciyiisya, Muuya Uusalala muli nduwe Uyo lya Ijwi. Takukwe makani obo muntu mbwali musongo a nzila mbwa konzya kusola ku Li pandulula, bala konzya kupandulula. Ii muhedeni inga wabweza Bbaibbele a kupandulula Leza kuzwa kuli ndinywe.

<sup>230</sup> Aboobo, taakwe muntu ujisi nguzu zya kukambauka Makani mabotu citakuti mbwakabede, mbuli Musa, kaindi eelyo aa misenga iisetekene oko walo a Leza alikke nkoba kaimvwi, kusikila muntu wazyalululwa a kwiima alya busyu ku busyu a Leza, a kuziba. Taakwe muhedeni, takwe lwiiyo lwa kulilemeka kwa boongo, taakwe kupandulula, kwiina sicikolo mupati mu nyika uukonzya kugwisya Eco kuzwa kuli ndinywe. Wa kaliko cindi nicaka citika! Iiyi, munene. Uli zyi caka citika.

<sup>231</sup> Mpawo yebo wati, “Nda kajisi musyobo oyo wa luzibo, alimwi Ndi jisi muuya aali ndime.” Elyo ikuti na watama Ijwi munzila ili yoonse, ujisi muuya mubi. Yebo wati, “Ta—Ta ndikonzyi kuunka ku zintu ezi mbuli Eci. Ndi lizyi, pele mbungano yesu. . .” Uh-uh, kuli muuya uulubide. Nceeco caando cako ca cizibyho. Kaini, uli makidwe. Iiyi, munene.

<sup>232</sup> Eva waka zumbauzya buyo Ijwi lyomwe liniini; koonse Leza nkwaamba, Ijwi lyomwe buyo liniini, alimwi cakaleta kucisa kwa myoyo onse a kutyoka kwa myoyo, a lufu, a cibi, a nkondo, a zintuzyonse zimbi, cuumbwe coonse, ambulansi yonse kukwiila lyonse, cibbadela conse caka yakilwa balwazi. Kuzumbauzya kwakwe komwe kuniini kwa Ijwi lya Leza, kacitya zyoonse ezi. Elyo waa katandwa, cindi eci nicata keelede kucitika. Mbobuti mboya kunjila, kuzumbauzya Ijwi lyomwe lya Ndilyo? Kwaamba, “Ndi lizi Lya amba Ceeco, pele Lya . . .” Lya amba buyo Ceeco!

<sup>233</sup> Lino amulange. Leza weelede kubeteka inyika ku cintucimwi. To konzyi kuba a lubeta citakuti uli jisi mulao mutaanzi. Kweelede kuba cintucimwi, weelede kupasaula cintucimwi kutegwa ubetekwe. Mwabona? Elyo mpawo taku konzyi kuba lubeta, cakululama, kakutakwe cisubulo. Lino, mwabona, to konzyi kuba a mulao mu dolopo oyo waamba kuti “mali amadollar osanwe mabotu ku kubelesya mumuni uusubila,” elyo mulao utobela wati “peepe, ula konzya kwaanguluka.” Mwabona, to konzyi kucita ceeco. Aboobo taku konzyi kuba milao yobilo mu kuba ciindi comwe. Elyo kuli mulao omwe, Leza omwe, Bbuku lyomwe, Kristo omwe. Kwa mana. Lusyomo lomwe, bulangizi bomwe. Kwa mana. Elyo ndi Bbaibbele, Kristo.

<sup>234</sup> Amubone lino, muli ceeci, ikuti na kuli cintucimwi ciyungizigwa kuli Ceeci, ceelede kuyungizigwa ku muntu. Ta cikonzyi kuba buyo kwiinda . . .

<sup>235</sup> Elyo ikuti na Leza uyo beteka inyika kubelesya mbungano, mbuli muna Katolika mbwaamba, mpawo njili mbungano ya Katolika Nja yoobetesya? Kuli iikubwene yayo; kuli yomwe, Romani; yomwe, Cigriki; alimwi, oh, kuli misyobo yoonse yandeene. Njili mbungano ya Katolika Njayo betesya? Na, ndiza Uyo ibetesya kwiinda kuli ba Lutherani? Ee, mpawo, alimwi ndiza Uyo ibetesya kwiinda ku Presbyteria? Mwabona? Ino Uyo cita nzi? Ta kabeteki kwiinda ku mbungano. Uyo ibetesya kwiinda ku Ijwi Lyakwe. Ee, mpawo, Ta ka . . .

<sup>236</sup> Mwabona, Ta konzyi kubamba nkamu ya bantu, mbuli cilengaano ca mucizi busiku bumwi, Muuya Uusalala wakatila mukati, Wa keenda moonya kwiinda mu bbokesi eelyo. Masimpe, taakwe cintu cijata Eco. Walo mugame. Wa kapedwe kusalazya mbungano, pele ta konzyi Kuu jatilila. Taakwe kabunga kakonzya Kuu jatilila. Kwa mana. Ta konzyi buyo kucicita.



Muli jisi zintu zyoonse omuya, nkabela tamu konzyi kucicita. I kabunga taka konzyi kucicita. Pele walo mugame oyo ujisi Muuya Uusalala. Lino amubone.

<sup>237</sup> Mpawo ikuti na Leza uyo beteka inyika kwiinda ku Ijwi Lyakwe, mpawo Wa ka Ci langilila ncobeni a ku Ci bamba mu ciimo. Na, ikuti na Ca kanyongana koonse, mbobuti Mbwa yakuleta lubeta? Mwabona? Ceelede kuba cintucimwi. Elyo Ta kati, “Kufumbwa muntu, ku mbungano.” Wa kati, “Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo, nguonya uya kubweza (cibeela cakwe) kuzwa mu Bbuku lya Buumi.” Aboobo, kuli ndime, ngu Leza, Ijwi Lyakwe a lubeta. Lino, ikuti na Nda beteka a kuzuma Ijwi, a kubona kuti Kristo wakafwida ndime, mpawo Njo lomba Buumi Bwakwe kunjila a kundi sololela. Elyo ikuti na Buumi Bwakwe ndi Ijwi, alimwi Wa kalemba Ijwi, mbobuti Buumi Bwakwe mbo bunga bwaba muli ndime, alimwi mebo kutaminina kuba a Muuya Uusalala, a kuyungizya kayanza kabuzumini mubusena bwa Ijwi? Tii caka belega buyo. Mbobuti mbo Ndi konzya kuyungizya kabungwe kakali Ula kalwana, a kucitondezya, a kucitondezya kwiinda mu makani aakale, kuti ciindi conse nibaka bunganya balafwa, kumuuya? Oh, bala vuzya mamembala, masimpe. Mbo mbubo. Bala vula mu mamembala. Pele, kumuuya, taba inki kuli koonse. Nditondezye, mu ndaambile mu makani aakale awo kufumbwa mbungano eyo... Niya kamana kuba kabunga, kakafwa mpoonya awo, Muuya Uusalala waka kasiya. Takucikwe malele a zitondezyo, elyo waa kazumanana buyo ncobeni kunjila mu lupyopyongano.

<sup>238</sup> Nce ncico ncobeni caka citika ku mabungano esu aa Pentekoste. Ba kacita nciconya eco banyina ncoba kacita. Ku matalikilo, ba kazwa, bantu abo bakakaka tubungwe. Lino, nobamwi bakwesu baswiilila ku teepu eyi, bamwi banu bamadaala, bazi kuti myaka yakainda, myaka iili makumi one, makumi osanwe yakainda, ikuti na bakaambaula kuli nduwe kujatikizya kabunga, inga no kaamba kuti kakali kusanka. Pele sunu uzulilwa ku cintu eco nco kayeeya kuti cakali kusanka. Nywebo no banakazi nomugela masusu anu a kupenta busyu bwanu, banyoko bakali kulwana ceeco, oyo musalali mubotu—mubotu wakaindi wa pentekoste. Ncinzi cakacitika kuli nduwe? Paulo wakati, “Wa kazuza kabotu, ncinzi caka kusinkila?” Mwabona? Kusule okuya wakali angulukide kuzwa ku zintu ezyo, pele wa kali kuyanda kuba mbuli bamwi babo.

<sup>239</sup> Mbubonya eco Samuele nca kaamba. Israyeli yaka jisi Mwaami, alimwi oyo wakali Leza. Elyo ba kati, “Samuele, uya bucembaala. Kotu panga mwaami, tu yanda kuba mbuli bamwi ba inyika. Tu yanda kuba mbuli masi ambi. Tu yanda mwaami kutu tola ku nkondo, tu yanda mwaami oyo uukonzya kulwana nkondo zyesu.” Elyo caka bisizya Samuele.

<sup>240</sup> Wa kati, “Sena Nda kasola kubweza cintu cili coonse kuzwa

kuli ndinywe? Sa Nda kasola kubweza mali aanu kuzwa kuli ndinywe? Sa Nda kasola ku mulomba musune na kufumbwa cintu? Sa Nda kasola ku mulomba cintu cili coonse?”

Ba kati, “Peepe. Taakwe noka tulomba cintu.”

<sup>241</sup> Na kwaamba, “Sa Nda kasola kukanana cimwi kuli ndinywe mu Zina Iya Mwami cita eco cakacitika?” Sa mbo mbubo? Wa kati, “Mpawo muta tambuli mwaami oyo, nkaambo ciyo amba lupyopyongano kuli ndinywe.”

<sup>242</sup> Lino Ndi yanda kumubuzya cintucimwi, Cikombelo ca Branham. Muli bambila kukomenena mu cikombelo cipati lino. Inga ndazwa kwa kaindi kasyoonto. Inga ndaunka ku busena bumwi. Nciyumu kuziba oko Mwami nkwayo ndiita; ndiza kuzwa aa cilao, ndiza kujokela mu masena akubelekela, ndiza Ula konzya kundiita mu nkanda. Ta ndizi awo Mpaye kundiita kusikila Jesu akaboole. Ndi yanda ku mubuzya cintucimwi. Sena Nda kasola kumulomba cili coonse? [Mbunga yaamba, “Peepe.”—Mul.] Sa Nda kasola kumulombelela mali? [“Peepe.”] Sena Nda kasola ku mwaambila cintu cili coonse, ca zyuulu zya zintu nze Nda kamwaambila mu Zina Iya Mwami, pele, sa tii cakacitika? [“Ameni.”] Mpawo muta sangani kabunga. Ka lwana Ijwi Iya Leza. Amuzwe kuli ncico ikuti na muli imuli nkako, amu pambuke a kutambula Ijwi Iya Mwami.

Atu kotamike mitwe yesu.

<sup>243</sup> Leza mupati wa basinsimi, Leza wa Abrahamu, Izaka, a wa Israyeli, yungizya bubotu, Mwami, ku Mulumbe oyu muniini uukosawidwe oyo wali aa moyo wangu kwa ciindi cilamfu, kwiinka ku bakwesu bangu. Bunji bwa baabo kumasena kuya, Mwami, bajisi muyeeyo uulubide kuli ndime. Ba yeeya kuti Ndi yanda kuba waandeene. Ba yeeya kuti Ndi sola kuba ba ci zyi-coonse. Ba kaambila bantu kuti Ndi cenga bantu, kapati aa ziyo zili boobo mbuli *lubbizyo lwa maanzi* mu Zina Iya Mwami Jesu, alimwi aa *lunyungu lwa nzoka, sibwaamu mupati*, alimwi mu mateepu manji ayo akazwa kata jisi cintu cita Bwini busalala. Elyo Nda babuzya, “Bamwi banu amuboole a kundi tondezyla awo Mpe bisya, na kuunduluzya na kwiimpya kupandulula Ijwi.” Elyo taakwe umwi watondezyla. Nda Ku lomb, Taata, lekela bantu aba bazibe kuteeti baimpya oora. Bayo lindila camuka maningi, ikuti na tabalangilili. Akube kuti ba, umwi aumwi. . .

<sup>244</sup> Mwami, Ndili masimpe kuli ceeci, moyo wangu inga wakwamuka ikuti na Lugwalo olu tiilwakali lwa kasimpe kuli ndime, cindi Yebo nakati, “Boonse abo Taata mbaka Ndi pa, bayo boola. Mbelele zyangu zilamvwa Jwi Lyangu.” Mpawo, Mwami, Ndi yeeyela kuti Bwami buli kasimpe mbuli Mbo kaamba, Ndi lizi mbo cibede, cili mbuli muntu wakabweza kanyandi a kuunka ku lwizi, kawaala kanyandi a kukwela misyobo yoonse. Kwa kali, kwiina kuzumbauzya, sikubwezelela

nswi, kwa kali bafulwe, basiluubilili ba maanzi, bazoka, zintu zyoonse ezyo kanyandi ka Makani mabotu ncoka jatwa. Pele kumalekelo, aakale, kroofishi yaka joka mu maanzi alubo, fulwe wakazwa, nzoka ya kafooma akujokela mu cilindi cantimba, mbuli mubwa ku malusi akwe na ngulube ku ntimba yayo. Pele kwakali nswi zini okuya, Mwami. Elyo Ndi jisi luumbulizyo olu, lwa kuziba, kuti akwalo kanyandi kakatana ziinkila, zyakali nswi kaindi. Zya kazyalwa, kazili nswi zyakakanzwa. Elyo aboobo kanyandi ka Manimabotu ako kajatisya mu lubukulusyo. Yebo ulibazi Bako Beni. I cintu buyo Nce jisi mulimo, Taata, kuciimo Mbwe zyi, nku kkala cakusyomeka ku Ijwi eli. Yebo Nduwe Oyo uusala na njiili. Alimwi Ndi lizyi buya kuti fulwe takonzyi kuba kampende, kutegwa bantu na muntu, oyo ujisi matwi masinke ku Manimabotu, kusola kumvwisya Bwini. Nkambo Taata wakali bwene kale eci, alimwi Wa kasyomezya kuti koonse Nkwa Kupa buyo boola.

<sup>245</sup> Taata Wakujulu, Nda Ku lomba kuti muntu aumwi oyo umvwa Mulumbe oyu muniini, kuti Mumuni oyo mowaka kambauka, a bupanduluzi mbo Ndi jisi mu moyo wangu ku muntuma, bantu abo Mbo kafwida. . . Elyo bantu, bamwi babo okuya, Mwami, mbuli mu nkamu ya Kora, bantu beni, kusololelwa cabubeji, a kanunkilizyo kasalala mu maanza abo, pele kuloba. Baa, teeba kakonzya nokuba kulekela kanunkilizyo ka mulilo kuniila a mbabo; mwana wa Aaroni, Eliezar, wakacita ku kabungika. Elyo baka panga ndembela ya cipaililo kuzwa ku nketulo ezyo, ntobo, ku tondezya, a kuba ciibalusyo ca cintu eco cibyaabi, eco Kora ncakasoleka kupanga nkamu yakabunga kulwana mutumwa wa Leza. Kabe kule maqningi kuzwa kuli ndiswe, Mwami. Akube kuti Muuya Uusalala utukwabilila lyoonse.

<sup>246</sup> Twa Ku lumba, Mwami, kuti mbungano yesu niini, eyi mbotu niini isetekene. Myaka minji yainda, myaka imwi iigambya ili makumi otatwe, Nda kafugama mu ciziba awa cizwide bwizu a mudumo, elyo twa katuula busena obu kuli Nduwe, buyakwe obu buniini. Elyo kutala mu kkona eelyo lya cikombelo libikkidwe cilengaano eco. Eco caka boola kucitika mbubonya. Nekubaboobo nokocili. Taba kacizapawidi ansi, Mwami, baya ku. . . ciya bukomena, nkabela bayo ciyobola ku kubikka cimwi atala lya ncico. Leza, kopa kuti aya Manimabotu aa ngolide ayo akalembwa mu mapeegi awa, akube kuti Asiye mbungano eyi niini kusikila Kristo akaboole. Akube kuti zizo zyoonse, zizo zyoonse zya Mubili wa Kristo, zyaka njila muno kuzwa ku cisi coonse a koonse ku nyika, akube kuti umwi aumwi wabo atambule Mumuni, Manimabotu, a kweendela muli Nguwo mpawo a kutambula Kristo.

<sup>247</sup> Elyo akube kuti cibe kasimpe loko kuti Majwi Aakwe ayo boola kucitika, “I milimo eyo Nje cita, bayo icita abalo. Oyo uumvwa Majwi Angu, a kusyoma Oyo waka Ndi tuma,

ujisi Buumi Butamani.” Elyo cindi Buumi Butamani bwaboola mukati, bala zyalwa kuzwa Kujulu, a milimo kuzwa kuli Leza ila liyubulula ini, nkaambo bwalo Mbuumi mbubonya bwakali muli Nguwe. Ta bukonzyi kucita cintu cimbi.

248 Aboobo, Taata, lekela mbungano eyi itaka yaamini a magolelo ayo Aatamani aa kunyanyamukwa, atala lya kabunga, aa cintu cili coonse citasiki kuli Kristo Mwini kapona muli mbabo, kusimpikizya Ijwi Lyakwe kwiinda muli mbabo a cisyomezyo Cakwe. Akube kuti, kuzwa ku mwana muniini wamamanino omuno sunumasiku, kusikila muntu mupati maningi, atambule luzibo olu. Elyo akube kuti mwaaalumi a mwanakazi oonse, mulombe na musimbi, oyo umvwa teepu eyi, akube boobo a mbabo, Mwami, a kubapa kumwisywa kuti Ndi sola buyo kucenjezya a kwiita, nkambo oora eli lyamana kwiinda mbo tuyeeya.

249 Elyo tula bona Babuloni, sikuvuula nyina, a boonse bana bakwe basimbi basibwaamu kabali bunganya antoomwe. Leza, tula mvwisywa kuti Lugwalo lwaamba kuti nsaku kuzwa mu muunda wa whiiti ziyo kwangwa lutaanzi, mu misunte. Elyo zyaangwa mu misunte, kaziliita zini ku mazina masanke ayo ata zulilwi kuli mbabo ncobeni, ta zulilwi ku Mbungano, akwalo; ngu zisangabalilo, kutali mabungano. Kuli biyo omwe wabo, Taata, nkabela oyo ngo Nguwe Ngo kafwida.

250 Elyo Nda komba, Taata, mbuli mbo tu zibona zyoonse kazibikkwa mu misunte lino ku mulilo wa atomiki cakufwambaana, Nda komba, Mwami, kuti Uyo lekela whiiti kuzula a kulema. Ko cipa, Mwami. Akube kuti tukomene a kumweka Mumuni, a kuba mbuli Jesu, “Ikuti na Nse citi zintu ezyo Leza nzya Ndi yanda kucita, nkokuti Nse jisi Buumi muli Ndime. Pele ikuti na Leza ulakanana a kutondezya Buumi Bwakwe, nkokuti Obo bula lyaambilila Bulikke.” Ko cipa, Mwami. Nda tuula Mulumbe oyu kuli Nduwe, alimwi kuti Ula Umamela, a kuleta makumi aa zyuulu, Mwami, na, boonse bana Bako bakakanzwa ku Makani mabotu. Muli Jesu Kristo, Uuli ndi Ijwi, mu Zina Lyakwe Nda komba. Amenii.

Nda yanda . . . , Nda . . .  
 Nkaambo . . . kasaanguna kundi yanda  
 A kuula lufutuko lwangu  
 Aa cisamu ca Kalivari.

251 Ndiyo buzya mubuzyo. Mbangaye sunumasiku mu bbunga eli liboneka awa, lya mbungano eyi mbotu ya bantu, na ng’anda ya bantu, mubwini, mu busena obu bwa kukombela, oyo usyoma a moyo wako oonse, buumi bwako bulelekana a ceelelo (yebo) wa Leza a Bbaibbele, alimwi mula syoma obo, kwiinda ku kulanga buumi bwanu, a kubona nzila Muuya mbo weenda muli nduwe, kuti ula syoma Ijwi lyoonse nzila mbo Li lembedwe, a ku Li

bamba? Sena mula Li syoma? Leza amu longezye. Akube kuti Ako nzye kubamba Muuya Wakwe ali ndinywe.

<sup>252</sup> Elyo ku mweenzuma ku teepu, Nda lombozya ni mwali kulanga omuno mu bbunga eli sunumasiku, Ndi yeeyela kuti nokuceya peseenti ili makumi ali fuka iya bantu baka tambika maanza abo, kuti bala syoma a kulangilila Bbaibbele, (kutali eco mbungano nco yaamba) eco Bbaibbele nco lyaamba, (kutali eco cisangabalilo nco caamba) eco Bbaibbele nco lyaamba, nkabela bala bona Buumi bwa Kristo kabuli tondezya muli Ndilyo.

<sup>253</sup> Nywebo mulizi, mu mazuba kabatana kuba a zinyebuluzyo zya lubulo, i—i mufuzi wa ngolide wakali koonda ngolide kubelesya nsando. Ndi yeeyela kuti mwa kakumvwa. Kaitana kuya ku cinyebuluzyo, ba kayoonda. Alimwi ngolide cintu cilema maningi, ila lema maningi kwinda liidi. Elyo aboobo Nda cita kuyandaula zyabuvubi buniini, nkabela inga mwatola mu miseenga mu kukunka kwa mu lukula, a kukumba janza lyako atala lya musenga, elyo mpawo, “fuu,” kifulida mbuli obo, nkabela lusuko a zintuzyonse ziyo uluka kuzwa, mabwe, pele ngolide ilalema maningi cakuti ila kkalilila alya. Elyo mpawo cindi wa bweza ngolide eyo, ila kunkulisigwa kwiinda mu tombe maningi kusikila ya vuzya zinji. Elyo kwiinda mu makkalo aa volukkano mbuli mbo kwayungizya, ili jisi ntimba ndemu azintuzyonse, yasalufa a butale azintu zimbi zisangene ayo. Sikoonda wakali kubweza eci cikoto ca ngolide aku coonda akucinyonauna, a kuliuma a kuli pindamuna, kusikila wa kauma masifwilila oonse kuzwa kuli ndilyo. Elyo mulizi obo mbwa kaziba kuti waka gusya makanchi oonse? Wa kali kukonzya kubona cinkozya cakwe cini kacitondezegwa muli ncico.

<sup>254</sup> Elyo nje nzila Leza mbwa cita Mbungano. Ula zunda tuyanza toonse twabuzumini, tubungwe toonse, tuyanza toonse twa buzumini twakapangwa aabantu, kusikila Ula bona Buumi Bwakwe Mwini kabutondezya muli ndinywe. “Ikuti na Nse citi milimo ya Taata Wangu, muta Ndi syomi.” Mwabona? Ikuti na eco caka kanzilwa ku Mbungano, Buumi bwakali muli Kristo tabu tondezyi muli nduwe, uta imi nji ikuti na tojisi lukakatilo, bubotu, zintu ezi zyoonse, a lulyendelezyo, a—a zintu, a kulemekaleza, a luyandano lwabunyina, a zintu ezi zyoonse ziyandika kuli ndinywe. Takukwe makani eco nco kacita, takukwe makani kunji nko kaongolola, kuvula kwa mabungano ngoka sangana, kuvula kwa mapepe ngo syanikizya muli lwako, uta ciciti. Kolindila mane ca kasimpe, kuzwa ku moyo wako, inga wajatila, mane mu moyo wako ujisi luyandano lwabunyina. Takukwe makani na basomona zilezu zisyoonto kuzwa ku lubazu lomwe, inga wanyona masaya ambi a bubotu, mwabona, kusikila zyabubotu ezyo, takukwe makani eco nco baamba kuli nduwe.

<sup>255</sup> Cindi niba kabikka kalembo ku busyu Bwakwe a ku Mu uma ku mutwe, kati, “Lino, ba ndaambila kuti Uli Musinsimi.” Lino

waka kwempa kasila kuzwa kuli Nguwe, elyo umwi wabo kajisi kasamu, kati, “Nguni umwi wesu Wa kuuma? Kosinsima a ku twaambila, mu bumbi, mpawo tuyo syoma kuti Uli Musinsimi.” Taakwe naka bbanuna mulomo Wakwe.

<sup>256</sup> Cindi wamvwa musinsimi kabuka, oyo ujisi bwiinguzi boonse ku mancenjela oonse ayo ngo konzya kuleta, amuyeeye, tali musinsimi. Sunu beelede kuziba zintuzyonse, kakuli muyooba a kucisa kwa linyo alimwi kakuli muya kuba akucisa kwa mwida, a zintuzyonse zimbi, aku kwaambila zyonse kujatikizya ncico. Obo tabuli bupange bwa Leza wesu. Amulangilile basinsimi, amulangilile Jesu.

<sup>257</sup> Amulange Paulo, cindi na kakonzya kuuma muntu moofu, a kulekela sikupanga zintu kuzwa mukuba uzwa mu cisi, “Ndi yeeyela kuti waka swekelwa nguzu zyakwe kuuma boofu.”

<sup>258</sup> Jesu, Oyo wakali kukonzya kubusya bafu, elyo nekubaboobo wakati. . . I silumamba mukolwi wakaswida ku busyu Bwakwe, a kkubi a kuswida mate a kujwa cilezu kuzwa ku busyu Bwakwe, a ku Mu uma aa mutwe, a kalembu kazambaidwe kuli Nguwe, kati, “Sinsima a ku twaambila oyo wa Kuuma.” Elyo takajula mulomo Wakwe.

<sup>259</sup> Muta noebeli aba babalesi bonse bamasalamusi. Pele amuyeeye, ba kanana biyo, dollar lyalweeno likanana biyo kuti kuli imwi iini kubusena bumwi. Cindi mwabona zintu ezi zya tubunga kazikomena a kuzwidilila, mbuli mbo zya kaamba “mancenjela ayo zwidilila mu janza lyakwe,” amuyeeye buyo, kuli mbungano niini ya Leza kubusena bumwi, ncobeni Uzwide Muuya Uusalala, wini, uya butanta matantilo. Muta langi ku kabunga kapati.

<sup>260</sup> Ino mbungano mpati maningi ya kaambwa mu Bbaibbele kwiinda bukkalo bwa mbungano yaba Efeso njiili? Elyo cindi Paulo nakainda mu nkomwe zyaatala izya Efeso, a kusika ku mbungano eyi, kwakali baalumi bali kkumi ababili muli njiyo. Mbo mbubo. Elyo boonse bakali bantu babotu, bakoongolola a kuba aciindi cibotu, pele tiiba kalina tambula Muuya Uusalala. Paulo wakati, “Tona tambula Muuya Uusalala kuzwa noka syoma?”

Ba kati, “Baa, tii twa kazi kuti kwakali Muuya Uusalala.”

<sup>261</sup> Wa kati, “Mpawo mbobuti mbo mwaka bapatizigwa?” Ikuti na tii cakabamba lwandaano, ino wa kaamba nzi ku mbungano eyo kuya?

<sup>262</sup> Ba kati, “Twa kabapatizigwa kale ku muntu umwi mupati maningi oyo wakasola kwiima aa nyika, Johane Mubapatizi, oyo waka bbizya Mwami wesu. Sa oko takuli kubapatizya kubotu kweelede?”

<sup>263</sup> Wa kati, “Peepe, munene. We elede kubbizigwa alubo, nkaambo Bwami buli namatikidwe ku cintu cili coonse cimbi.”

Elyo cindi niba kamvwa eci. . . Kati, “Johane waka bapatziza buyo ku kweempwa, kutali ku kujatilwa kwa zibi, kwaamba kuti mweelede ku Mu syoma kuboola, nko kuti, aali Jesu.” Elyo cindi niba kamvwa ceeci, baka bbizigwa alimwi mu Zina Iya Jesu Kristo. Mbo mbubo. Mbombubo. Ba katobela Lugwalo.

<sup>264</sup> Nywebo mulizi, mu kutuula cifumo cino, Musa waka tobela bubambe obo mbwa kabona ku Julu, a kuwaala tente Iya kuciiminina. Cindi Solomoni nakayaka tempele, wa (ncinzi nca kacita?) katobela cikozyanyo eco Musa, kwiinda ku tente, kubamba Lugwalo mu mundando.

<sup>265</sup> Elyo cindi Leza nakasika ku Tempele Lyakwe ku mazuba aakumamanino, eli Tempele, Muuya Uusalala, “mubili Ngo ka Ndi bamba,” Muuya Uusalala waka wida aa Buzuba bwa Pentekoste, mulumbe wakali, “Amusanduke, umwi aumwi wanu, a kubapatizigwa mu Zina Iya Jesu Kristo kuti mujatilwe zibi zyanu, nkabela muyo tambula cipego ca Muuya Uusalala. Nkambo cisyomezyo cili kuli ndinywe a ku bana banu, a kuli baabo bali kulaale, abalo boonse Mwami Leza wesu mbayo ita.” Ikuti na uyanda kwiita mukutausi wako kuti mwiiyi, Mwiiyi Simooni Petro wakalemba bulembo bwabusilike, bulembo bwa busilike Butamani. Obo mbo busilika bulwazi balwazi.

<sup>266</sup> Lekela aba basambazi beena basambazi bamadrage kusola, ku kabungwe, ku cizuzya munzila imbi, ako nkekaambo ncoba jisi. . . Nywebo mulizi, ikuti na tamu yungizyi i. . . amuta yungizyi kunji loko ku malailile abusilike, yebo inga. . . bunji loko bwa cijaya, yebo inga wajaya balwazi bako. Ikuti na tobikki kunji muli nguwo, yebo. . . kutali ku cintu cinyonauna cikola na bulwazi na to citi, tau kagwasyi mulwazi wako. Musilisi wako ulizi nzila ya kulemba bupanduluzi.

<sup>267</sup> Elyo Kristo, Muuya Uusalala, ngo Mulembi wa Bulembo bwa busilike, nkabela Wa ka Li lemba. Muta yungizyi kuli Ndilyo na ku Li gusya kuzwa kuli Ndilyo, amubweze buyo Musamu munzila njabede. Ngu Kusilika kwa nguzu zyoonse. Leza aku longezeye. Mula Mu yanda? Amenii.

Nda Mu yanda, Nda. . . [Kabeela katakwecintu  
aa teepu—Mul.]

Nkaambo Wa kasaanguna kundi yanda  
A kuula lufutuko lwangu  
Aa cisamu ca Kalivari.

<sup>268</sup> Lino kuciindi notu ng’ung’una, lino konyona a kusukana maanza a simukobo nyokwe okuya. Oh, ngu muzwakule awalo, kainda mo.

Nda Mu yanda, Nda. . . (...?. . . eco ncipati.)  
Nkaambo Wa kasaanguna kundi yanda  
A kuula. . . lufutuko

(Amuboole omuya mwakwiinda omu. Iiyi, nda kulumba, mukwesu wangu.)

Nda Mu yanda, Nda Mu yanda  
 Nkaambo Wa kasaanguna kundi yanda  
 A kuula lufutuko lwangu  
 Aa cisamu ca Kalivari.

Nda Mu yanda,

Atu lwiimbe eno.

Nda Mu yanda  
 Nkaambo Wa kasaanguna kundi yanda  
 A kuula lufutuko lwangu  
 Aa cisamu ca Kalivari.

<sup>269</sup> Lino atu kotamike mitwe yesu, jala meso esu, nyamune maanza esu mujulu a majwi esu kuli Leza eno, mbuli Mbwe mutuula ku mweembeli. Tuli kkomene kuba andinywe okuno. Ta tuli kabungwe. Ta tujisi mulao pele luyandisyo, taakwe buzumini bwabukombi cita Kristo, taakwe bbuku cita Bbaibbele. Taakwe bumembala; luswaanano buyo kwiinda mu Bulowa bwa Jesu Kristo obo butusalazya kuzwa ku kutasyoma koonse.


<sup>270</sup> Yaa, toonse antoomwe lino.

Nda . . . , Nda . . .

Leza amu longezye. Amu joke a kususwaya alubo.

Nkaambo Wa kasaanguna kuyanda . . .

Ncibotu, mweembeli. Uli libambilide? Leza aku longezye.

Elyo . . . 



62-1111E Kaambo Nke Lwanina Bukombi Bwa Tubunga  
Branham Tabernacle  
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)